



敬業堂詩集卷八

海寧

查慎行

行標梅餘

亦清園

人海集

起丙寅十一月  
盡戊辰正月

故人吳漢槎歿後有以不肖姓名達於明相國左  
右者遂延置門館令子若孫受業焉下榻府西偏  
去南城十里而遙人事罕接間有吟咏率出傳題  
酬應自丙寅仲冬迄戊辰初春凡十五月所得詩  
不滿百篇合為一卷即用人海記之名以名集

移館北門寒夜不寐起來霜月滿庭有懷諸弟  
寒城宮漏永孤館耿無寐起看殘月升稜稜挾霜氣徘徊  
夜將半惜此姜肱被獨客不可為無端感懣惓惓

敬業堂詩集卷八

題喬石林侍讀梅花莊圖兼送其罷官南歸

湖波種柳不種梅梅花合向陽波栽買園舊在最高處  
尚怕水泛春水開沙頭一篙刺歸路清淺今堪跨牛渡  
父老來看侍直圖先生咲入花間去

趙秋谷編修見示并門集輒題其後

趙侯曠世才矧發新又初十八取高第姓名登石渠紛  
紛冠蓋交僮馬填門閭抗懷對儕俗折節讀古書我友  
潛江髯朱梅數數來告余余時懷一刺欲往還趨起從  
來負盛名相見長恐虛何期就館舍先枉君子輿示我  
并門詩璀璨瓊瑤琚清光益兩目瀏覽無停臚不忍遽  
卒讀掩卷姑徐徐留之遣夜長霜月臨窗甃地爐煖宿

酒繼晷編重舒十首醜一杯頃刻百首餘何堪飲戶小  
徑醉同遽遽隱几似有人導我蓬萊居李杜踞高坐兩  
芻列仙儒依稀潮州韓髣髴眉山蘇中有青丘子拍肩  
大聲呼醒來几案傍絳蠟開芙蓉悠然接詩境鼠穴非  
乘車我欲數子間位君復踟躇君今富才力著作承明  
廬詞章技特卑未足垂聲譽即此見根柢振步捐土苴  
神仙才有數此語古有諸我賤不足論願君勉相於

得聲山姪揚州信

隋隄柳又拂歸艫安穩傳書報渡江却寄新詩猶索和  
轉憐遊屐不成雙霜欺獨雁寒衝塞月帶疎鐘夜到窗  
此際相思倍怊悵燈花何喜燦冬釭

敬業堂詩集卷八

二

任坦公以趙松雪留犢圖索題留竹垞齋中聞  
爲偷兒取去戲作絕句荅之

一呷貪泉盡跣徒壽春墳事近應無探囊莫怪工相妬  
占斷清名是畫圖

題禹平水村圖二首

蓼洲疎雨荻洲烟一扇低篷水拍天不礙主人長作客  
披圖還有鶴看船

春波十字水西東草淺迴塘有路通着個歸人應更好  
倒騎烏特柳陰中

除夕前八日立春

驚心看舊曆三十八回春去日成何事流光惜此辰好

風迴淑氣殘雪洗窮塵便擬騎驢出旗亭覓酒人

元日出東便門

以下  
丁卯

朝出國東門言循潞河湄層氷裂厚地雪光照曜之草  
短沒燒痕老楊交枯枝晨曦曛我顏我鬢初有絲自從  
客京洛三遍東風吹藏身人海中發興乃更竒誰能當  
此日一鞭出尋詩

少司馬楊公路河寓齋夜話得村字

去京三十里城郭只如村老樹排沙磧春帆次水門談  
深孤館靜酒罷一爐温已覺連宵夢依依近故園

春夜同外舅陸先生陳夔獻呂彤文許時菴朱  
悔人魏禹平王令貽王赤抒吳震一張損持家

敬業堂詩集卷八

三

荊州兄集朱大司空齋分韻二首

春燈春夕宴一到一回歡不赴先生約寧知禮法寬酒  
痕雙短袖歲事五辛盤合坐無生客長安此會難

晝簾開雪後新月到花西雅令投瓊得清歌按拍齊鼓  
催今夜醉詩記隔年題預恐鴉啼曙門前散馬蹄

龔蘅圃屬題攝山秋望圖

昔我道金陵西南出江關船頭東北望秀色堆烟鬢長  
年爲指似此山名織山古寺入棲霞松老苔斑斑玲瓏  
刻千佛石骨靈不頑上有天開岩鏡平園若環從茲陟  
高頂一覽收人寰孫吳事業荒南渡衣冠孱詞客弔興  
亡動云清淚潛探懷發深趣此事天寧慳如何雷同聲

萬口若是班我友詩力健清奇寫崢嶸好風颭然來滿  
眼除榛菅按詩記年月我在蠻溪灣重披一幅圖點染  
紛斑爛杖藜者數輩謂竹垞青  
士諸君風骨俱珊珊同時失同  
遊悵望空往還憑君添一葉置我烟波間

王甥漢臯南歸詩以示別二首

草草嫌輕出依依戀此辰也知歸橐僉應諒客囊貧家  
教分諸弟身謀累所親臨期雙淚落併念爾先人

汝去真長策吾留轉寂寥雪燈分袂影風柳斷腸條客  
久人情覺春寒酒力消自今長短夢無夜不河橋

送吳青壇侍御歸里

來乘驄馬來去駕柴車去烟光綠上垂楊梢春淺東門

敬業堂詩集卷八

四

送行處東門多少罷官人太息何煩感直臣但使朝廷  
無闕事不妨歸作太平民

北城寒食有懷南郊舊遊寄呈朱大司空並索  
玉友荊州和二首

早桃開後倦游情春事無端閱鳳城忽聽賣花聲到耳  
始知明日又清明

名園狂醉已經年永定門坊記墮鞭想得出郊重繫馬  
一行新柳變新烟

相國明公新築別業於海淀傍旣度地矣邀余  
同遊詩以紀之

路指沙堤外園開海淀東好山西嶺接曲水 御溝通

綠野名相稱華林興頗同種花兼種樹還費十年功

陳元亮至得令兄撝謙近問

海棠雨墮胭脂紅一尊醉別禾城東旗亭袞柳綿白  
握手驚從薊門北烏蟾顧影倏忽移已過五度春風期  
看君湖海發豪氣嘆我頭鬢生微絲爲言索遊非得已  
爾乃胡爲亦來此一門甲第矜貴盛王謝堂前燕添壘  
藏書萬卷澤尚新負郭二頃業未徙少游但思騎歛段  
儘可浮沉老鄉里天生爾以不羈才伏櫪豈得長徘徊  
朝秣吳芻暮燕市聲價自長黃金臺君家髯兄才不細  
勇決翻成倦游計粗傳近况喜可知只怪新篇不相寄  
故園漸少杜門人徃徃席帽趨黃塵因君振觸草堂夢

敬業堂詩集卷八

五

綠樹正接詩翁隣

送宋牧仲提刑山東

名封十二接關城繡斧前頭父老迎問俗潛移齊右姓  
下車先揖魯諸生天開島日三更白濟入河流一道清  
歷下亭邊名士會騷壇行見續詩盟

壽陸菊隱前輩七十二首

熙甫陶菴傳述久百年君又起膠城學能忘世名偏重  
老愛讐書眼倍明在璞不妨留玉彩出山依舊覺泉清  
龍門子弟俱英絕及見淵源有二生

謂孫愷似  
侯大年

採芝欲去每相羊開閣猶留老仲翔

時下榻大  
治相國家

共許康

成多著述誰言安世有遺亡老人祝杖鳩無恙處士歸

田菊未荒十丈風埃遮不得少微爭指客星芒

送時菴先生典試四川

驛路曉發聞秋鈴千山萬山疊翠屏秦關百二閱天險

蜀道一雙占使星

同行者爲林戶曹

地遠人才指可數亂餘風

物愁初經同行有約吾竟負讓爾劔閣題新銘

櫻拂子示兩及門

竟得驅除力群蠅不敢貪清幽吾最羨束縛爾何堪自

愛依書幌差宜挂草菴誤人消底物江左只清談

送田綸霞由大鴻臚巡撫江蘇二首

東南地重推吳會開府新煩典客卿暫出人皆榮八座

再來公已領三旌霜清斧鉞稜稜見風靜驕騶尾尾行

敬業堂詩集卷八

六

桃李一蹊看好在道傍伏謁半諸生

田曾爲江南學使

詔恩連歲蠲逋賦管內民情大可知柵鼓尚傳迎輦曲

竹枝多上去思碑兩賢治蹟原難繼

謂大宗伯湯公一少司馬趙公

代人才更屬誰此去但須持簡要不妨小吏日抄詩

呈王峯少宗伯徐公四首

書局頻開邸第中桓厨鄴架許誰同一朝典策分明在

未有高文不屬公

宏博今無沈晦倫

御書端爲寵儒臣講堂及聽宣和

論感激能容下座人

弟子韓門盛一時投書却悔少年爲官高不改憐才意

人道先生似退之

一御何當重李膺對公方媿百無能相逢盡屬龍門客  
只是常鱗不敢登

次張超然見懷原韵

昨夜揪庭雨洗埃病餘酒戒擬重開正欣涼自披襟得  
忽有風吹好句來榕浦人才君磊落蕁江歸夢我沿洄  
此情除共詩翁說

謂竹垞先生

預約藤陰掃碧苔

與時菴別五旬計程當入閩中矣七月十六夜  
夢其渡桔栢江有詩見寄醒而作此

相送西南去離心不可降亂山懸客路孤夢墮疎窗暮  
雨葭萌驛秋風桔栢江此時占益部真有使星雙

夜宿傳經書屋枕上喜雨

敬業堂詩集卷八

七

爲少芭蕉樹初來竟不知及聞簷滴後已是酒醒時靜  
覺書幃爽涼侵布被宜殘燈如客况不厭作花遲

送周青士南歸

人間不是少知音愛爾蕭然抱素襟潮似歸期還有信  
雲雖出岫本無心戰回酒敵黃花老收取詩名白髮深  
此去浮家烟水際五湖一葉許誰尋

丁卯秋闈報罷呈諸先輩五首

明明跂脚有青雲安上門前路忽分湖海伏龍雷起蟄  
關山斷雁雨呼群裘茸欲落霜花吐燭跋初油漏點聞  
慙愧上書頻見斥僅留舌在敢論文

夜雨鳴雞事不同也曾投筆學從戎早知有命應藏拙

不是無家轉諱窮，楓葉飄殘砧杵月。  
桂花吹過鬢絲風，故人底用慙高第。  
謂后張仲夔，今論西匪輩。我比劉蕡策未工。

憔悴青衫感弟兄，勿將時論擬縱橫。  
五經何負掄材意，萬口先傳下第名。  
時家荊州以五經被薦。但使低顏對僮僕，猶容

長揖見公卿。祇嫌鏡裏流光速，白髮新抽一兩莖。

兩眉愁思一含顰，情到無繆去任均。  
短檠聲懷霜後竹，孤桐絃冷爨餘薪。  
那能造物皆如意，不信憐才竟少人。  
任是亡羊吾勿悔，燈前故策試重陳。

三年光景易蹉跎，又值登高節物過。  
燕子生涯如客樣，菊花天氣奈霜何。  
狂名幸免聊隨俗，野性無拘一放歌。  
已買吟瓢租蹇衛，西山遊興近來多。

敬業堂詩集卷八

九日同荊州兄遊趙恒夫給練寄園

縈成曲磴疊成岡，高着樓臺短着牆。  
花氣清如初過雨，樹陰濃愛未經霜。  
熟遊不受園丁拒，放眼從驚客路長。  
亦有東籬歸不得，四年京洛共重陽。

題宋石門畫松

蒼髯翠鬣搖向空，老幹蟠作青虬龍。  
雙睛未點飛不得，時有雲氣來相從。  
開時高陰散林麓，捲起生綃纔尺幅。  
人間何處着秋風，昨夜城南拔喬木。

秋夜紀事

城頭落星大於斗，群犬吠怪都狂走。  
或云此星作狗形，犬不見星惟見狗。  
初如地震如雷鳴，頃刻聞寂天無聲。

但見明河亘天月西沒宮漏杳杳傳三更明朝屬車行  
射鹿旌幟照山馬量谷不須更載獫狁驕驅爾向前飛  
食肉

送朱千仞之任舒城

龍舒傳舊俗淳朴羨民風官稅如期納山田比歲豐月  
依琴榻靜花傍印牀紅却咲眉山老無緣作寓公

相國明公壽讌詩四章

海嶽遙瞻壽域開喬松直上表崔嵬立鰲一柱承中極  
戴斗三星指上台雨露恩深和鶴地風雲力展濟時才  
穆清垂拱邊烽靜誰挽昇平氣象迴

千古明良不數逢天教元老際時雍和衷事事歸無我

敬業堂詩集卷八

九

雅量人人服有容地峻不須銘客座官清豈在却堂封  
但看退食委蛇度賸得丹心荅 九重

未應風月屬平章綠野仍開舊日堂玉燭年調光宅里  
沙隄柳合善和坊門無鈴鼓軒車靜架有圖書 御墨  
香一桁朝衣雙進酒森森玉樹又成行

八千歲裏紀春秋平格端從運會留寶鼎有光騰玉鉉  
皇圖無闕指金甌朝家望久尊黃髮事業公今尚黑頭  
慙愧受知同國士嵩高一頌恐難酬

喜唐實君至

風埃易隔經年面忽聽車音喜不勝才氣讓君高百尺  
酒腸寬我過三升薄寒坐轉霜天月往事談深雪屋燈

記取鳳城西北頰竹床相對兩如僧

得家信

遲滯經三載平安報一門開從迴雁磧寄自擣衣村身  
賤歸難料家貧恨每吞兩親猶未葬先計了兒婚

荅衛源巢先生見寄之什

蘇門仙籍在長嘯出風塵頗怪高賢意偏憐失路人宦  
情歸後澹詩境老來真靈藥如堪斲吾將就結隣

西溟竹垞同遊房山余不及踐約口占送之

斜陽聯騎去影落好山中古寺尋碑入幽泉撥葉通勝  
遊關俗念閒趣就詩翁隔斷桑乾水黃沙白草風

哭朱大司空六首

敬業堂詩集卷八

十

忽得彌留信驚疑欲問天更誰承絕學

公爲紫陽裔孫

忍遽奪

名賢存歿真關運行藏好筭年茫茫國西路白日迫虞

淵

正色持朝議從人指異同不聞廷辨語真有大臣風局

定閒居後名高薄譴中肯留毫髮恨物論久方公

罷官賓客盛不署下邳門萬卷藏書第孤雲倚杖村履

聲今寂莫花氣舊網緼從此西州泪都銷醉後魂

衣褐初相見雲泥不啻過自蒙公賞識一任俗譏訶才

退江花夢神傷薤露歌轉緣期許厚脈脈負慙多

悵斷西山路曾陪兩度游雲峯竒入夏泉味冷經秋酒

許王弘送詩同魏野留篋中高唱在讀罷泪交流

天不留耆舊人皆惜老成風流餘畫像官號定銘旌年譜門生輯文編國史評恬侯恭謹似重望起家聲

禹尚基屬題水村圖小照二首

縈青繚白埭西東門掩檀欒倒影中千片白鷗波萬頃釣竿只占一絲風

朝衫猶絆未歸人畫裏鬢眉淡有神已辦青鞵青筇笠

問渠何路出黃塵

聞周青士淮南詩信

苦口勸君去筋骸看頗強祇云當暮齒不合久他鄉病忽中途得神翻永訣傷餘生還自歎歸計尚茫茫

楊耑木來都出示涿州道上見懷八絕句次韻

敬業堂詩集卷八

十一

奉荅

荒程野店暗戎戎灰洞連雲小驛通辛苦琉璃河畔路

一天冰雪兩征鴻

時與家德尹偕行

短衣篤速又重來雙眼摩挲試一開拚得故人驚黑瘦

斷腸誰似賀方回

舊來書札屢相存難遣離愁閱曉昏今夕和歌燕市裏不知何事尚銷魂

南園一醉夢難消新指陂坳丈五高逆落客中知己淚

刺梅花下長蓬蒿

乙丑初夏同赴朱司空南園之約今司空已下世

蛾眉里族艷同時錦瑟雖工俗豈知比似孝標還曠達

上年歸燕併無詩

指耑木乙丑禮闈報罷事

橫草才情好在無，  
鬪體猶記血模糊。  
征南賓客今淪落，  
怕展藍田射虎圖。

水泮西沽喚漿師

春初送司馬公南歸

久留生計太無奇，  
白駒只合逃空谷。

一食場苗便繫維。

行期爲爾少遲留，  
南酒新香出竹筩。  
楊柳作鞭花壓帽，

此時去住兩無愁。

時余方計南歸

喜德尹至都即用道中見寄韻八首

花南硯北屋西東，  
先築都荒想像中。  
此意十年應共惜，

一般根蒂兩飄蓬。

別是尋常會却奇，  
鶻鶻沙外影離離。  
可憐半世爲兄弟，

兩度相逢在路岐。

敬業堂詩集卷八

七

敝裘寒色國西門，  
刮面西風太少恩。  
不是雪花如掌大，

豈知姜被果奇溫。

匪莪蓼蓼感伊蒿，  
此際方知父母勞。  
三尺孤墳何日築，

敢將門戶委兒曹。

添丁從小絕堪哀，  
抱向花前得幾回。

弟去年始得一子名騶虞

可但

生兒憐絡秀，有人椎髻望歸來。

少賤長貧那得辭，  
浪遊真愧作男兒。  
只除中酒聯吟夕，

不似長安下第時。

八齡工賦庾肩吾，  
五十能詩高逵夫。  
勿羨早成輕晚就，

天心原不薄窮途。

三畝原爲種稻留，  
私逋官稅苦難酬。  
翻因細悉家中事，

從此思家又起頭

曉出西華門逢吳震一

九陌紛紛路向岐毛驢馱客立多時一冬風力今朝橫  
吹折街南賣酒旗

盆梅同唐實君揆愷功賦以下戊辰初春作

不借東風力全憑火候催夢隨馳驛到香自渡江來物  
性違移植人情惜早開草堂留老榦冰雪戰春回

探春花再索實君和

本是丁香種先從臘尾開一叢疑積雪繁蕊欲欺梅南  
客今初見新詩悶強裁君看凡草木猶帶好春來

水仙次韻

敬業堂詩集卷八

三

梳額檀心韻青裙縞袂姿洛波迎宓女越網得西施山詩中語脈脈含情遠盈盈欲語遲月中曾解珮爭許俗人知

壽大司馬梁王立先生四首

兩朝元老出名賢身繫安危四十年同日蒼生多屬目  
向來黃髮少隨肩金甌社稷銷兵裏玉斧關河聚米前  
如此 皇圖資坐鎮何煩書案更籌邊

萬騎塵清萬里風殿廷次第與論功兒童往往知司馬  
貢使年年問相公排闥山光迎劔戟傷簾燭燄吐長虹  
太平別有經綸業無用陰符置篋中

盛事雕橋紀一時壽槐千歲尚虬枝贊皇世業平泉記

樞密新堂畫錦詩無價鼎彝歸賞識有人書畫乞題辭  
官高依舊風流在不愧人稱海鶴姿

尺五天低韋杜城文星長傍禁垣明每因餘論請前事  
雅有虛懷接後生閣上麒麟圖早識座中鸚鵡賦難成  
謂丙寅春  
公召飲事從今一上生申頌感激曾蒙記姓名

送黼皇姪出宰大浦

青溪一條水發源自白嶽千里赴海豐赭龕為鎖鑰余  
家楮山口子住齊雲脚阮巷南北分裴眷東西拓雖云  
支派別夫豈淵源各先朝際盛隆中葉顯儒學煌煌兩  
開府先中丞  
京兆事業恍如昨外吏實起家致身上臺閣綿  
延君子澤十世不為薄汝叔秦望  
兄州牧賢掛冠去筇笻

敬業堂詩集卷八

古

吾宗老觀察王望  
伯近亦返丘壑坐惜數年來衰宗正中  
落家聲望子振有若水救涸子才洵超群氣勢竚騰躍  
胸藏五千卷試手高第博簇簇又發硯團團弩張曠謂  
當雙兩翅一舉上寥廓何期赴南宮六度困東郭季子  
金婁罄東方米徒索俛首作選人初心豈所樂之官嶺  
海外道遠塵漠漠臨分當贈言古人例有作與君屬關  
切聊為舉其略邑宰職親民顧名思義托如何千百輩  
疾苦視隔膜寧多才地違或少寬嚴酌子今抱經濟枳  
棘棲鸞鶴百弊不足釐餘情故綽綽潮州本善地貢賦  
雜海錯大浦居其間頗自異煩劇丘餘奈凋瘵戶口十  
半削往者征南師驚駭到鮫鱷剪除兇暴盡政虎尚餘

虐仁人行撫綏所亟在民瘼大僚恣指揮小吏承唯諾  
省事先省心自然破根格人散訟庭閒官清條教約蒲  
鞭併可去况乃痛敲扑譬如百孔瘡難得萬金藥徐徐  
養元氣稍稍起積弱民風旣已佳土物矧不惡榕樹清  
陰留佛桑紅燄著文禽好毛羽中有羅浮雀漿分荔子  
甘茶代檳郎嚼珊瑚及珠琲過眼風掃禳方將寶清名  
未肯計衰橐從來賢達意定不俗吏若屈指三年期還  
朝報循卓

送沈譽生之任靖安

江西是我曾遊處風土從君一一誇郭外有山皆種竹  
春來無路不迷花商船晚開臨溪碓官課先輸曬網家

敬業堂詩集卷八

五

此去始知魚米賤十年應悔住京華

寄壽潛江朱石戶先生

半肩華髮倚孤筇萬卷奇書貯短篷日出茶烟吟甫里  
雨來巾角墊林宗魚標隔竹參差見酒旆穿花次第逢  
如許風期誰獨占白雲高護丈人峰

桐城錢田間先生相遇都門出詩集見示中有  
丁酉寓長干寺投贈先君子七律一章距今已  
三十二年先君下世且十一年矣感而次韻

敝廬風雨十年高南北身隨敗葉零先爻漸如星落落  
殘宵愁對火熒熒詩貪記憶關心讀話到蒼涼制淚聽  
莫問生涯流轉跡賤貧何事不曾經

附田間先生原作

古寺秋聲夜不扃  
客星幾點共飄零  
鐘殘隔院禪香  
換雨曉長廊塔火  
熒市隱定從江左  
覓雅歌還在越  
中聽道人入道無  
他術只講床頭一  
卷經

敬業堂詩集卷八

敬業堂詩集卷八

六

中難取人人其

古寺秋聲夜不扃  
客星幾點共飄零  
鐘殘隔院禪香  
換雨曉長廊塔火  
熒市隱定從江左  
覓雅歌還在越  
中聽道人入道無  
他術只講床頭一  
卷經

古寺秋聲夜不扃  
客星幾點共飄零  
鐘殘隔院禪香  
換雨曉長廊塔火  
熒市隱定從江左  
覓雅歌還在越  
中聽道人入道無  
他術只講床頭一  
卷經

古寺秋聲夜不扃  
客星幾點共飄零  
鐘殘隔院禪香  
換雨曉長廊塔火  
熒市隱定從江左  
覓雅歌還在越  
中聽道人入道無  
他術只講床頭一  
卷經

敬業堂詩集卷九

海寧 查慎行 悔餘

春帆集

盡戊辰一年

客京師忽四年戊辰二月以外舅陸翁抱恙扶持南歸水程濡滯凡四閱月舟中多暇以詩送日翁雖手顫不能執筆每口授余書見余作又未嘗不色喜也到家後周旋湯藥余亦無詩矣

將出都前輩及同學多有贈行之句短章酬別朝市山林跡總賒又扶病叟出京華一卮北酒春傷別幾度東風客負花草色青回夾城路凍痕白退隔年沙多情通潞亭邊水穩送歸航直到家

敬業堂詩集卷九

一

衛凡夫郎中索題詩冊兼志別

雞鳴九衢曉城角轉星斗不忍去長安此中多好友友亦不在多同心十八九釀錢餞歸人宴會連夕有下車揖戴笠古道君尤厚君家好門庭清不借箕帚堂前兩株藤植自相國手凡夫所居卽文清公舊邸春花紫蒂簇秋實明珠剖我來婁洹洹晨對或終酉有時咲捉鼻隨意語脫口纏綿示君真坦率成我醜如此兩換年未覺日月久君行入郎署約畧歲紀丑風流白雲司下視牛馬走讀書蕪讀律格拳等枷桎賦性非所便時時夢田畝今春始轉秩望出曹郎右好理舊襟懷依前向詩酒我行惜薄遽唱和少于喁此地最難忘臨歧幾搔首

梁藥亭以端溪紫玉硯贈行

吾家老詩翁

家二  
贈兄

遠寄數挺墨行裝無好硯一試那易

得前年送君歸許我端溪石匆匆過三年此語時在臆  
夜聞君到京壺漏下初刻入門異彩發君故不自匿欣  
然咲相謂前諾幸免食開囊把贈余理膩不容拭何來  
琉璃匣養此馬肝色餘潤吐紫烟燈光忽被蝕吾弟尹德  
兩踰嶺嗜好癡已極曾拋金珠裝蓄硯比封殖窮搜願  
難滿妍醜庶能識亦云此石精溫潤含玉德忽然落吾  
手劣睨三太息物歸洵有數在獲詎須弋奈無十五城  
豈易償拱璧君才本間世海嶽鍾竒特仙人五色裙來  
跨鳳皇翼飄飄凌雲賦一一好句逼留以供濡毫揮洒

敬業堂詩集卷九

二

固其職顧蒙謬許與降氣自摧抑我詩苦非豪邊幅守  
封洫近來尤懶惰故步荒學植得錢了應謝例取加粉  
飾詆媒人挾喙描寫腕無力徒然辱佳惠胡取三百億  
近將返柴荆稍稍闢畛域門前一溪水潑眼清湜湜洗  
硯先洗塵有如苗去賊學書兼學字尚覲名副實持君  
贈行具寫我長相憶因之謝吾宗墨點漆光黑

茨棘

牛李仇初作張陳望苦深全憑翻覆手大負始終心苑  
柳傷餘陰飛鴉誤好音誰非門下客茨棘莽成林

曉出沙窩門

草綠國東門舊來送行處今朝一鞭出喜赴歸人路麥

隴春未耕杏園寒尚冱水槽沮洳濕鵝鴨各引唳遠氣  
如湖光蒸蒸動原樹長空豁遐矚變景失回顧不復夢  
春明三年墮雲霧

張灣舟夜寄德尹都下

漁汀鳧渚夢依稀長是思歸未得歸底事得歸猶悵望  
可憐倦羽又分飛

發舟後連遇逆風間或阻淺兩日纔行十里許  
遠歸決所從筮易利涉川意亦厭馳逐捨車遂乘船何  
期初放溜斷渡春風顛罟師邪許聲蟻附百丈牽進尺  
旋退尺膠淺不得前廢聞二十四一淤泥填郵籤篋  
南程約略踰三千一日行五里到家須兩年誰能侶鳧

敬業堂詩集卷九

三

雁久望烟波間

曉起回望西山

好山隔黃沙隱隱一重霧霧斂日紅時螺青出高樹

灤縣晚泊

鷗鳥灣洄泊小舸蘆溝西望樹周遭殘水裂石頽兼岸  
春水如油滑上篙老柳耐寒如許瘦壞垣經久不多高  
畫眉塚冷鷹臺塌一片斜陽雁下壕

舟夜書所見

月黑見漁燈孤光一點螢微微風簇浪散作滿河星

打魚莊遇西塞公歸舟述舊有作

長安棋局莫深論東燭依然近酒樽烟火一帆春去國

關河雙鬢雪添痕嘗龜宦味經調鼎羅雀交情散署門  
記取故人垂老別病歸猶感向時恩

時余同外舅附  
楊少司馬歸舟

口占送陳仲夔舍人還都

別語無多別恨新短檣明發指天津殷勤百里猶相送  
萬疊西山一故人

亂鴉

白項非無種烏頭亦有名野田留點點古墓去程程陣  
忽遮天暗貪因得食爭君看稻梁雁失次敢先行

自王家浦晚至楊村驛

土屋多依堡民屯半屬官樹從王浦密河過蔡村寬鷗  
外新蘆茁犁頭細麥攢蒲溝行未到月黑夜漫漫

敬業堂詩集卷九

四

三月朔日

先君子  
忌辰

昨夜還家夢依依白髮親覺來三月朔又感一年春窻  
空悲何地飄流愧此身那堪寒食近南望獨沾巾

桃花寺

已過桃花口再問桃花寺獨客扣門來老僧方坐睡欲  
知春淺深但看花開未

掛帆行

船頭船尾收鐵猫三尺五尺堆銀濤弓張帆腹機激箭  
原樹却走如奔迤西山已没烟霧裏初日欲吐春雲高  
須臾倏達直沽岸風勢未已猶飈飈當前有關敢飛渡  
又向津頭卸帆住

天津關用薛文清舊韻

地勢東來一掌平，忽開官閣起崢嶸。  
風腥曉市知魚賤，客過巖關喜篋輕。  
暮雨暗添丁字水，春陰低壓直沽城。  
雲帆轉海非難事，誰念東南物力傾。

三月三日寒食舟中風雨感懷都下舊游寄朱  
公子恒齋从部三十六韻

愁中時序兼百六，又重三客路流光。  
感京華節物諳尚，書期不遠別墅興。  
尤耽憶昔春城外，陪遊小築南年年。  
修禊事往往盍朋簪，土甌茶開箬泥封。  
酒拆壘羽觴佳，客泛蠻榼小童擔。  
苞愛丁香破，梢宜豆蔻含。  
地衣紅匝，匝石髮翠珍，珍珍第孽斜行。  
雁絲清獨繭蠶隨，方呈妙技。

敬業堂詩集卷九

五

即事借深談，雜座門生列。  
巾車野老參幾家，同上塚隨。  
意去停驂一院鞦韆，女干場蹴踘。  
男花遊聯竹轎芳信，簇筠籃候煖鶯。  
吭滑烟濃蝶夢酣，種桃尋紫陌看杏入。  
茅菴隔日頻相約，先期或預探。  
柳花登客饌，帶草拂僧龕。  
沙徑晴熏轉，澄波曉鏡涵。  
錫簫吹寂寂，粥鼓報鶻鶻。  
到必移吟笈，歸仍側帽簷。  
撲翻愁墮鞦，豪健咲驅驄。  
後輩忘形接，先生好士貪。  
清狂真辱愛，疎略總無慙。  
好會原難數，傷神忽不堪。  
東山俎謝傳，西路避羊曇。  
故業畱桑梓，佳城閉栢楠。  
詩曾傳魏野，曲忍聽何戡。  
只益窮途苦，寧知世味甘。  
無人臨曲水，有淚滴春潭。  
岸濕烏銜紙，船空鼠匿甌。  
風鳶行斷續，檣燕語詭譎。  
野意將舒綠川。

光未放藍離情風挾絮往事霧沈嵐此恨郎君識緘題  
寄北函

舟晚

晚色一天霞空明炫眼花濁流供飲犢新月領歸鴉野  
曠風長急塘迴路向斜兩人待渡此去必村家

白廟

一院槎枒樹居僧守鵲巢俗貧稀賽社瓦缺只編茅暗  
處蟲絲接塵邊鼠迹交漁人來寄網時有一船梢

泊頭鎮見杏花

澹烟油處日初銜酒旆微風到布帆我自偶從花底過  
不勞蝴蝶上春衫

敬業堂詩集卷九

六

交河道中聞人稱河間縣政績之美輒述其語  
寄彭椒崑明府

客經新橋驛泊舟交河湄偶逢垂白叟借問邑宰誰蒞  
茲凡幾年當官何設施叟置不一荅別舉已所知爲言  
河間府畿南極衝疲兩州十五縣首縣又難治黃昏簿  
書交白晝羽檄馳四野雜莊戶土著留子遺責之辦賦  
稅肉盡空腔皮可憐牧民官往往猶鞭笞追呼力不任  
竄身并歸旗方將計囊橐焉問疾苦爲前年來好官忠  
信神明慈聞官乃彭姓門第江南推祖父盡公卿家業  
貧難支到官但飲水一意存撫綏不承上司喜不顧同  
列唾不假左右手不煩誥誠辭赤子視吾民子忍父母

欺即如春夏交輸課有常期夔夔三堂鼓出早退每遲  
文書赴期會閒暇無停披木甌設中央金錢隨所齎吏  
前但執算毋許參一詞一日投百封數計若察眉半月  
率滿甌封識宛不移明朝上大府手不沾毫釐自餘了  
無事止酒或賦詩官清民力寬漸漸歸流離公來俗大  
變迫絕非曩時朝廷方勤民下問旁諏咨大府昨薦達  
某官轉高資分明馴雉歌載在墨吏碑坐令惠愛政平  
平覺無竒誰能持此情流傳向京師言罷歎息去春風  
吹髮絲

御莊舖

小縣他時號阜昌近城曾築讀書堂不須更唾劉郎面

敬業堂詩集卷九

七

豕柵牛欄是御莊

爲齊劉豫僭號更阜城爲阜昌郡城北有讀書堂城南有御莊舖明程篁墩詩有居人不唾劉郎面猶把亭名號御莊句

德州留別田雨來編修

帝里經年別書來少北郵故人多請假游子暫稽留風  
雨燈前話江湖夢裏舟一筇雙不借行踏半塘秋

戲恼德平令楊建垣

草接平橋水拍津好風裙帶跨驢人清狂幾許冶情在  
惆悵自嫌官裏身

四女祠

在恩縣西北四十里土人云漢景帝四年貝州人傅清字景山妻羅氏無子生四女守志養親終身不嫁各植一槐以明已志四女通釋氏書日頌法華其後拔宅昇天云按史周宇文氏始置貝州漢時未有此名自是傳聞之訛考唐人王建詩注云宋氏五女貝州宋

處士之女也曰若華若昭若倫若憲若茵其父  
老病誓不嫁以奉事之云按貝州乃今恩縣及  
清平地疑  
此即是矣

何處著鶯花春深孝女家門前古槐樹兩兩聽慈鴉

夾馬營

櫪馬驚嘶嘶不止紅光夜半熊熊起男兒墮地稱英雄  
檢校還朝作天子陳橋草草被冤旒版籍不登十六州  
却將玉斧書大渡肯遣金戈踰白溝隔河便是遼家地  
鄉社粉榆委邊鄙當時已少廓清功莫怪辱孫主和議  
君不見蛇分鹿死關西京豐沛歸來燕代平至今芒碭  
連雲氣不似蕭蕭夾馬營

月下聞吳歌

敬業堂詩集卷九

八

客愁今夜較偏多歸路三千尚隔河五十六回圓月底  
南來初聽本鄉歌

衛河四絕句

王弇州有衛河八絕多叙行役之  
苦于風俗有所未備輒隨所見補

之

河流千百曲來往候風信東南西北間那得彎灣順  
微雨曉來霽孤雲斷不還黃沙千里道何處著青山  
佳人跨驢去隔岸是娘家渡口風長好吹開罩面紗  
茅屋留邊市蘆場柳外橋誰知燕趙地生計儘漁樵

將至臨清州

小雨吹午晴菜花黃被阪方愁白日暮又惜芳春晚河  
流合汶衛客路投東竟樹杪見浮圖去城應不遠

夜泊南板閘

來從漱玉響滌滌一枕神清靜聽中只似秀林亭下宿  
隔窗今夜兩兼風

北河紀漱玉泉在州城內秀林亭在州城外

聞荊州兄聲山姪南宮捷音却寄一首

各有高堂奈老何此情真足慰蹉跎到家鵲喜連朝有  
照客燈花昨夜多從此朋遊推二阮向來場屋說三羅  
壯心自倚消難盡歸去羞爲伏櫪歌

汶河阻牖少司馬楊公從陸路先歸余與外舅

尚滯舟次詩以志別

昨歲春風記出京再來何意得同行孰經世路歸倉早  
老念貧交別忍輕水落汶河停去舫花穠淮岸待行旌

敬業堂詩集卷九

九

竹萌怒長櫻珠綻鄉味先輸一月程

謝孔心一大叅餉酒

城南高會已多時曾和東風芍藥詩賞到鶯花春爛熳  
醉題襟袖夜淋漓尚書沒後園空鎖

謂朱大司空

騎省歸來

鬢有絲多謝故人猶念舊一樽重對却成悲

入牖

萬派東南傾水勢本趨下何年迴地脈一股西北瀉自  
從燕建都饋饘吳楚藉千艘万艘尾重載接春夏黃河  
故道移東向海門射如穀水犀弩潮汐俱退舍支流導  
不得脈絡乃近借沂泗濟汶洗橫濤孰分汜九十七名

泉

會通河在濟寧州城南南抵徐州達清河入淮北經臨清州合衛河入海沂泗洗汶入漕之泉九十有七

扼吭走一罅綿綿數百里寸寸阻成壘層層板堵束宛  
宛巨纆架通透蟻穴穿點滴糟床醉一牖守一官役夫  
供咄咄么磨成鬼怪有若腐鼠嚇毫釐日主進傲慢禮  
無迓糧船排幫來客棹何從駕汴堤鄭國渠事往役隨  
罷豈惟滋禾黍兼可活桑柘不聞溝洫成止用通艫舩  
奈何并梗塞行旅見來乍我生昧時向永與捷徑謝所  
遇總紆途濡遲復奚訝

閘口觀罾魚者

牖河一綫才如溝戢戢魚聚針千頭其中巨者長二寸  
領隊已足稱豪酋爾生亦覺大局促漂漚散沫沈還浮  
不知世有海江濶長養何異蒙拘囚縱教族類繁鯁魴  
變化詎得同蛟虬居民活計乃在此勞不撒網逸不鈎  
竹竿綳罾密作眼駕以一葉無篷舟朝來暮去尋丈內  
細細粘取銀花稠庖厨却緣瑣碎棄曝向風日乾初收  
微鯉苟適飼狸用性命肯爲纖毫留吾聞王政雖無澤  
梁禁鯤鮪尚有灣池游人窮微物必盡取此事隱繫蒼  
生憂一錢亦徵入市稅末世往往多窮搜

敬業堂詩集卷九

十

京城西南豐臺芍藥最盛余未嘗一寓目也今  
年與唐實君有約同賞復匆匆出都長途春杪  
省記前言時實君已捷南宮矣作詩以寄兼示  
梁藥亭鄭禹梅王后張張寄亭呂山劉徐虞門  
孫愷似王令貽陸冠周湯西崖吳元朗陳仲夔

錢朗行皆同年進士也

四年騎馬客京華不問豐臺賣酒家已約同遊向春尾  
獨憐回首又天涯驪場易醒繁華夢貧女羞簪富貴花  
但是成名寧論晚少年能得幾人誇

阻牖十日始得渡臨清關

明知前路方多牖且喜今朝已渡關  
薺菜花開春事了  
荒城十日鬢催斑

晚抵梁家鄉牖

十里五里程三板兩板水遠寺有鐘聲  
隴隴烟樹裏隨風渡渚去已斷還復起  
獨客此時聽孤燈壓蓬底

東昌道中

敬業堂詩集卷九

十一

黃沙碧草兩無情鷄鳩愁聞第一聲  
辜負瓊山詩句好

杏花開後過聊城

杏花尊酒記聊城元裕之詩語

聊城舟中再得荊州兄臚唱之信喜疊前韻

才藻稱量去幾何有誰高占五經科  
一名縱使輸人後頭地終看讓爾多  
逸足逢時爭築館高鴻回首咲張羅  
青山憔悴無如僕破涕猶能擊楫歌

登光嶽樓

聊攝城端万木風層樓高勢拓齊東  
晴光過雨浮浮白初日迎帆靄靄紅  
汶水曲流荒甸北泰山遙指亂雲中  
綠蕪滿眼春垂盡獨倚危欄看斷虹

曉晴即目二首

水潤沙田鑄棊犁  
珍珍兩岸麥頭齊  
柳綿已被風吹盡  
不化浮萍但作泥

灘平風軟出前津  
畫舫南幫自作隣  
一練波光如拭鏡  
翠烟扶起柁樓人

晚泊周店雷雨大作

已作迴風半日涼  
忽聞雷雨洒淋浪  
洪流赴牖增雷勢  
一綫穿雲走電光  
斑籜定抽苔徑筍  
綠針初剪水田秧  
喚醒孤客田園夢  
剩有蛙聲似故鄉

入兗州境望徂徠山

青山雅淡如故人  
何可經時不相見  
我行久與故人別  
轉向青山增眷戀  
來從燕趙歷齊邦  
千里平沙黃一片

敬業堂詩集卷九

十三

眼前俗物厭勃塞  
物外心期失葱蒨  
朝來雙眼豁然開  
已報汶流通魯甸  
日高螺髻矗諸峰  
天遠修眉浮半面  
含姿獻態各自媚  
一老峩峩聳冠弁  
茲山洵屬魯之望  
指點兒童悉能辨  
猶傳有道石先生  
六一垂銘抵佳傳  
聖人已遠道僅存  
此事終應賴狂狷  
景行併作高山仰  
恍惚風流覲前彥  
白楊風急不少留  
片帆忽過東阿縣  
南旺分水龍王廟

兩龍爭掉尾  
萬馬各隨群  
勢自中流劈  
聲猶隔岸聞  
江

河雖日下  
南北竟平分  
先寄歸心去  
吾家傍海濱

孫村

村繞河流一曲路  
分湖面三叉青  
蜻蜓雨催麥秀  
黃雀風

開棗花蘆邊橋影人影林外漁家酒家漸近南中土俗  
居人多食蝦蟇

過濟寧不及遊南池

人咲平生頗好竒勝遊到處每差池曩在武昌不登黃鶴樓過長沙不游岳麓書院故云不才自信能藏拙况有光芒李杜詩

魚臺道中

一碧開平遠居人就土泉斷山連石麓涸水益湖田風  
俗佃漁地菘蔣雁鶩天自慙生理拙飄泊過年年

沛縣泗亭驛二首

萬乘還鄉父老迎大風歌罷氣崢嶸不知何事翻垂淚  
方覺英雄別有情

敬業堂詩集卷九

三

一劍親提帝業成粉榆猶動布衣情沐猴豈是真龍匹  
富貴徒誇畫錦行

出插

烟波六十宿淹泊情不洽前途得通津客况喜出插平  
流一川穩叢葦兩岸夾好風綠陰來黃鳥啼恰恰南船  
各相徬北客焉得狎蠻歌楚儉和香稻吳娘畝明知漸  
近家畏路接眉睫近聞黃河流怒氣中尚挾治河如築  
舍國計司農乏盡輸竹槩沈更費柳帚壓坐視淮泗民  
爲魚驚鵝鴨餘生猶應役婦女助畚鍤廟堂宵旰憂疏  
瀾豈無法九年始殛鯀厥罪浮令甲書生托空談快意  
取一霎作詩攄憤懣強韻苦難押

宿遷

纔過桃花漲沙痕  
嚼岸新孤城依井底  
三面轉河身  
鼉居相雜蛟龍性  
不馴長聞淮泗滿  
嗟爾一方民

雨中渡黃河六韻

直放東南去無風  
自作聲中流  
帆影沒遠樹  
浪頭生雲  
與平蕪際灣隨  
曲勢成竟同浮  
世濁待得幾時  
清官柳  
行行客閒鷗對對  
輕空濛三十里  
轉眼失孤城

桃源縣

廢綠春荒瘠  
土耕河墻小  
縣併無城  
武林雞犬應相咲  
如此蒼涼浪得名

清江浦

敬業堂詩集卷九

十四

淮山浮遠翠  
淮水漾深淥  
倒影入樓臺  
滿欄花撲撲  
誰知闌闌外  
依舊有蘆屋  
時見淡粧人  
青裙曳長幅

漂母祠

慙愧思叨一飯深  
當時果否識淮陰  
後來不却千金賜  
難說初無望報心

淮上曉發

統如五鼓催船發  
輪仄高城下  
弦月已聞兩岸過  
鈴聲燭燭曉  
星光未沒依稀枕  
上續歸夢  
尚隔江湖浩難越  
起來照影向清淮  
愁見塵顏映華髮  
往還跨下橋邊路  
萬事回頭總飄忽  
只有年光不負人  
鯿魚絮煖蓴絲滑

遊喬石林侍讀縱棹園出圖索題

海棠花紅紫藤紫日日酣歌向燕市別中兩度負春風  
短棹來尋白蘋汜奕棋時局經眼見去國名高今有幾  
先生一賦歸來辭多少陰功被桑梓朝廷已用當時議  
海內方思正人起那知一意方掉頭風月無邊任驅使  
別開小爨植籬援汀滢三鷗板橋水水窮橋斷去無路  
賴有輕船纜沙尾迤邐初疑村落傍灣環忽轉高城趾  
蔣芽荻筍芰荷葉淨綠澄鮮雨新洗釣絲影裏亭榭開  
萬瓦鱗鱗動波底琴床旋傍曲檻設門徑從教比隣徙  
梅邊補種竹數竿柳畔移栽花万葢莫言此樂乃易得  
拋却金龜纔換此假公尚宜蛾眉班夜枕終當夢田里  
斜街草堂縱峻絕未免浮塵洒窗几空看圖畫憶故鄉

敬業堂詩集卷九

五

何似收身圖畫裏只今杖履歷真境愛護猶珍一幘紙  
經過不拒野人遊敢惜留詩嘲鄙俚水南地空多莎草  
鷗鷺成群占涯涘許我閒撐放鴨船與公唱和從茲始

余亦以放鴨  
圖索公題句

秦郵道中

高田半沒低田淤小舟賣藕兼賣魚可憐活計墮水底  
盡是失業耕田夫湖波怒鬪孤城口一派荏苒葦淵藪  
但望南風長黍苗不須東岸栽楊柳

紅橋卽事

對門楊柳慣藏鴉斑竹籬前姊妹花十里珠簾消不得  
扇紋風起客思家

敬業堂詩集卷九

敬業堂詩集卷十

海寧 查慎行 悔餘

獨吟集

起巳巳正  
月盡九月

去夏到家外舅陸先生風孿漸減猶冀稍延歲月  
也乃今二月竟爾不起余既視含殮復徇故人之  
招匆匆北上關山獨往觸緒悲來不禁涕泪之橫  
集也

外舅陸射山先生挽歌二章

公亡先友盡孤露感吾生別有無窮泪非關兒女情破  
家緣結客玩世亦逃名不比陶元亮徒高處士聲

吳天春夜月偏犯少微星昨去扶衰病今來失典刑履

敬業堂詩集卷十

一

綦雖寂莫畫像儼精靈世乏中郎筆誰為有道銘

重過聽鶯留別徐淮江二首

一度相過一愴神尚書宅畔老松筠年時地主無多在

狼籍江關况酒人

傷程禹聲  
家翰荒也

雁行啼過雨蕭蕭往事深燈又此宵記得小船秋港別  
葦花遮斷賀家橋

虎丘

又作山塘一日留相逢往往說 宸遊朱欄路轉千人  
石黃瓦春開萬歲樓花柳時清無隙地管絃興盡有迴  
舟繁華何與閒僧事添炷香燈照白頭

吳門與惠研谿話舊

燕市歌狂散酒星勞勞三百五長亭桃花影裏抽帆路  
流落江東剩兩萍

京口遇朱悔人

丁卯橋荒感再經勞人雙鬢各星星一帆北固烟初暝  
二月南徐草未青京洛夢回同斷梗江湖天濶但浮萍  
春愁滿眼分襟路怕上旗邊舊酒亭

三月二日揚州作

鈔關門外綵層層三月烟花見未曾張得水嬉還望幸

舩舩絃索上紅燈

時傳大駕  
已幸淮陽

上已過平山堂下

發軔維陽城茗茗入塵陌不逢前裙女但見騎驢客平

敬業堂詩集卷十

二

山平似岸夾路植松栢堂空感良遊事往念前哲當時  
手種柳搖落那禁折斲此駐征鞍一帘風向夕

晚宿大儀鎮

萬乘方南巡孔道車湊輻我行取紆折路僻馬不孰臨  
岐徘徊鳴旅况愴孤獨廣陵繁麗地咫尺異風俗沙田  
廢牛耕灌莽抽新綠人稀鳥巢少鴉鵲爭一木村童弛  
樵擔古佛棲草屋香香望炊烟荒荒晚投宿

天長縣北郭外垂柳夾隄清渠一道土人云即

汴河也

萬葉千梢映碧波一條虹影曳坡陀天長縣北聞人說  
此是隋家古汴河

自盱眙北界沿洪澤湖西北行晚至高家堰

淮泗方合流洪湖際溟漠水所從來高其勢建瓴若長  
堤亘首尾力敵萬鎖鑰近傳泗州城三板沒鄂郭澄波  
見井竈了了魚蝦躍淮陽地尤卑東岸狂瀾劇十年費  
國計万杵鳴橐橐排椿內甃石陡起堵墻削禹功紀告  
成注海有疏淪不聞當橫流扼吭恣噴薄决口既須塞  
減水孰開鑿自唐堧以上决口三十四減水壩六減水  
法始於宋回河之議蘇頌濱云回河雖罷  
減水猶存是也九道湮成河洪澤以下向  
有成河九道沙田梗流惡放之使  
行地汗漫無歸着天下本一家揚州忍爲壑移亡及身  
事丘墓傷淹泊可憐水鄉民不及鼉鼉樂 九重亟軫

念南辛求民莫河嶽盡懷柔淮神敢行虐天功即帝力

敬業堂詩集卷十

三

愚賤矧可度我來愛漣漪正值沙水涸一程滌煩懣清  
曠迥踰昨夕陽射湖東欲落尚未落忽然得新句放眼  
向寥廓

黃河待渡

遠行疲長途春晝赴急梘車柳陰下稍覺白日永黃  
埃渡河來風氣變凄冷奔湍怒流濁拍岸高過頂千檣  
万檣形倒視無一影沙崩人跡散月上波響靜衆涉叩  
敢爭及茲放孤艇

澗橋

風色轉河壩春光滿淮甸阪被菜花黃籬窺野桃蒨朝  
陽出疎樹蘆屋烟中見饌無登盤魚戶有啣泥燕從人

問前路已近清河縣

大霧新灘道中

陰霾忽交集一氣吞平沙如入大海中瀰漫四無涯前  
行泛孤鶩後旅延修蛇似密忽已疎稍開旋復遮大塊  
任勃塞陽烏斂光華朦朧一鏡懸注視眼不花方當晡  
靄際正氣難勝邪無何廣漠風披豁青天霞君子視洞  
達毋令道里差

次日發沐陽渡小溝河大霧復作次前韻

昨日如細雨今晨同歎沙廣川橫我前截岸作兩涯書  
如壯士劍當道分長蛇亂流苦無舩林黑影被遮僕夫  
牽馬渡闇闇迷春華路旁玉瓏鬆結作野草花老農識

敬業堂詩集卷十

四

占候何筮歌汗邪連霧知大風暮雨看晴霞人事難預  
測物理永不差

紅花埠至曹村四十里間桃李夾路

遙林春鳥啼客枕促晨起有村有園圃無處無桃李烟  
氣薄花光迷濛四十里方當鞍馬倦忽值風日美欲去  
轉躊躕北行恐無此

大風

新月夜生暈朝來果作風初聞響騷騷停午聲蓬蓬砂  
礫本附地簸蕩忽向空遙天失其青皎日爲之紅憶昨  
衝霧雨兀如醉夢中行當快掃除何復遮溟濛勃蹊向  
六鑿無地置我躬有目欲使昧有耳欲使聾口鼻比山

澤呼吸恐不通五官心則靈獨覺非外蒙涉川畏波浪  
遵陸愁霾零男兒歎失意豈必皆途窮平生塵土緣鹵  
莽焉知終去去洗垢濁還君憔悴容

### 寒食行

老鴉銜紙錢飛上白楊樹破廬誰氏子挈榼上冢去新  
鬼土作堆堆平鬼亦故百年過鼎鼎孰者非朝露安知  
今樓臺不是昔墟墓十年寒食節九度他鄉路看到野  
棠梨荒山春又暮

### 清明日蒙陰道上觀鞦韆戲作

隔牆聞笑聲人在花枝下花枝旋搖動倘有秋千架何  
人挾飛仙天半飄裙袂瀏灑俄頓挫按抑還騰躡力怯  
不自持身輕若無藉柳絲妬腰細捲起向空掛却下整  
雲鬟神情自閒暇魯邦喜游冶民俗廢桑柘已經上巳  
辰纔過百六夜新粧與靚服徃徃出茆舍鄉風隨俗有  
客路關心乍未免憶江南家家好亭榭

### 新泰旅壁見故人周青士題詩愴然繼和

歎息溪南老生涯詎忍論有詩題壞壁無計臥窮村去  
作京華客歸招旅櫬魂乾坤吾哭汝塵土上啼痕

### 過西嶺數里許土岡微起道傍新立木榜署古

### 新甫山五年前經此未嘗有也

南眺東蒙峰北瞻泰岱巔相望三百里徂徠處其間新  
甫特土壤居然亦名山石老栢不生荒榛互綿延文人

好誇大後世事或然曼碩告寢成煌煌郊廟篇移風繼  
周頌孔子經手刪不應闕宮什失實載簡編魯邦岩岫  
多高峙爭孱顏今聞非昔指彼此揣度懸年往事易訛  
况加附會牽我欲正此謬詩成恐難傳王伯厚困學紀聞云魯頌徂來之松後漢注兗州博城縣有徂來山新甫之栢傳注不言所在惟後魏地形志魯郡汶陽縣有新甫山通典漢汶陽故城在兗州泗水縣東南

望岱

山形陡然來其勢乃易量孤根雖秀拔群岫或爭抗泰  
岱四岳宗宇宙虞隘妨去聲大麓起沂州鱗鱗疊巒嶂客  
程窮五日日日坡陀上不知去平地已是幾千丈漸覺  
所歷高縱眼快前嚮昨經新泰郊突兀方示象將開意

敬業堂詩集卷十

六

忽會在遠神彌王霞氣舉之升隔天樹屏障龜蒙挾鳧  
繹連絡走相徬徂徠亦兒孫未可儕輩行其他况培塿  
倚伏同一狀今朝及山趾耳目塔焉喪便思躡芒屨去  
倚扶桑杖天門次寥開万里誅蕩蕩仰瞻星漢逼下掃  
雲海漲雞鳴日觀峰倒影出摩盪惜哉身未到祇用窮  
想像秦松漢代栢盤攫倘無恙碑憶磨崖鐫亭思駐蹕  
創賢君七十二踵事規撫壯如何太史文隱躍時近誦  
誰陳封禪頌體格要有當游蹤觸覩記即事語敢放覽  
眺存古懷終期慰遐暢

瘦俗戲和次谷兄

晨辭泰安州午達長清境石欹行礙步土燥俗少井水

歌酌山窪歲久必生癭醜形婦女甚戶戶裁濶領東坡詩濶領先裁牛病垂老胡豕肥縮短頸苦開脹河豚餘怒鼓蛙黽兒郎打銀釵亂髮時一整野花插偏髻陋質寧自省

開山廟

磽确苦厭山出山愛蒼翠迴看青蓮花一一吐烟際綿連魯齊界豁達燕趙氣黃塵有時開白日曬平地輪蹄倚空濶所向莽無避蹭躑身已經吾行方按轡

曉過平原

宿醉兼殘夢朦朧過幾村明星天一角紅日縣東門四面柳陰合千家烟氣昏朝來好風色躍馬過平原

敬業堂詩集卷十

七

重宿德州有懷研谿西厓

德州城邊三月杪桃李家家傷清洛繫船人見跨鞍人

一色春衫青鬪草令君載酒遠見餉

去年杪泊舟德平揚令君攜酒相

過

侍史求詩近相惱風流學士田先生

雨來編修騎馬來尋

苦不早城端角聲門欲閉話別匆匆語難了杯闌却記惠與湯此地曾誇紅袖好詞題裙帶付張態曲記油車嫁蘇小每攜行卷跨向人不信裝囊易傾倒爾來好事復誰繼只有征埃催我老春風兩鬢添幾絲又是去歲看花時

河間道中

沙路條條似前行曉易迷牛鳴新店火月上阜城雞古

埃烽煙靜遙天樹木低數錢工姪女詩橐关空攜

與彭椒崑

時宰河間縣

別裏三年夢初疑作吏難衝繁畿輔地辛苦牧民官元  
結詩仍好安仁鬢未殘合并無限喜爲爾一加餐

椒崑座上喜晤王赤城兼讀集中見寄詩知與

余神交有年矣短章奉誦

故人知我來埃騎迎郊甸相逢車笠間尚作文酒讌後  
堂出嘉賓齒序列筵簪爲言老兄弟結契自少賤我初  
孰君名想像得君面邂逅此會奇心期慰依戀酒酣出  
新句唱和近成卷語妙非俗觀篇終有餘善長歌謬見  
及卒讀評深眷僕本田間人無端去鄉縣奔馳十年事

敬業堂詩集卷十

八

迅若釋絃箭挾瑟與彈箏隨時技羞變重來有何趣翼  
塌孤飛燕猥蒙許與加力薄已難踐從君生感激別淚  
爲一泫

趙北口

燕南趙北際地是古易州兩淀亘一隄

隄南爲白洋淀北爲黑洋淀

隄長若橋浮前年驅車過寧淖沒我軻雨脚颯颯垂心  
懷失足憂至今旅枕夢澁縮不敢投茲來喜春霽日色  
和且柔晨餐具鮮鮒門有曬網舟飛沙隔岸來風削墮  
浪頭俯見夾岸柳枝枝倒清流人生各有營偶過難久  
留愧此千頃綠一雙雪毛鷗

自雄縣至白溝河感遼宋舊事慨然作

已割燕雲十六州雄關形勢咲空留兩河地與中原陷  
三鎮兵誰一戰收細草鳴馳非故壘夕陽飲馬又中流  
長江南北天難限一綫何煩指白溝

過涿州懷楊耑木

廟社樓桑跡僅留城南緩轡記同遊春風又送孤銓客  
一背斜陽過涿州

三月晦日飲朱十表兄槐樹斜街新寓同梁藥

亭吳震一作三首

槐街舊與一峯隣一峯喬石林侍讀舊寓堂名酒甕重開爲洗塵最  
喜今年春帶閨遲來猶作看花人

兩株桃樹手親移紅影紛紛落酒厄特與幽庭添曲折

敬業堂詩集卷十

九

秫稻稜綫縛笆籬

古藤陰下三間屋爛醉狂吟又一時惆悵故人重會飲

小箋傳看洛中詩

是日得家德尹洛中所寄絕句

豐臺看芍藥同家次谷兄陳元之甥四首

不用穿花坐竹堦蹇驢馱客穩如舟垂楊十里綠陰合

中有一雙黃栗留

意外穠粧鬪眼新無端一咲爲迷津妬他誤馬隨車處

出色花枝不避人

紅艷群羣綺陌遊春風繭栗憶揚州十年一夢依稀似  
老眼貪看分外羞

孟公愛客不尋常知我錢空買醉囊特遣白衣迎半路

一壺重發少年狂

時陳實齋遠  
致酒肴見餉

次韻送梁藥亭庶常請假歸南海

但使官情澹何妨老耐貧  
忍拋同醉伴還對獨吟人  
草色留書帶槐陰借比隣  
荔枝紅過嶺一騎是歸塵

夜聞孫愷似家絃索聲戲東索和

歌頭酒尾情情夜懊惱  
燈光却被遮畧似香風吹夢醒  
一番芳事屬隣家

合肥大司馬李公席上聽楊老彈琴

臥遊堂北夜悄悄及記年  
時刻燭吟別後人誰憐  
廢瑟疊餘公自賞孤琴衆  
山圖畫聲相應一技工夫老更深  
慙愧重來聽雅奏也應情感爲知音

敬業堂詩集卷十

十

朱恒齋招余下榻齋中書此示意

君家春草堂舊是雙書地  
手澤尚如新忍添遊子淚  
移寓次譚護城給諫韵二首

貪得槐街近作隣

舊寓去竹  
坵最近

再遷吾意亦逡巡  
無端併

誤將雛燕一月遽廬認主人

雁齒檐齊落井湄  
清泉飛出起淪漪  
轆轤本爲澆花設  
一折流成洗硯池

病夫爛惰朝貪睡  
最怕車輪撼竹床  
此地市聲來較遠  
輕雷隱隱過隣牆

移寓後喜魏禹平早過

莞枯庭幽愛客來  
籬邊一徑恰新開  
曾經昨日爭棋處

拾得花陰墮子回

題蔡方麓修撰早朝圖二首

水精簾捲月如鈎，侍史粧成盡下樓。比似早朝還較早，不教君起看梳頭。

花冠催曉漏聲微，樺燭光中翠袖圍。未拂御爐香已透，玉纖親捧上朝衣。

暑中坐敬如西齋竟日

蕉心展卷放高葉，藤蔓著花垂嫩梢。笛簟一床書萬卷，紙窗南北綠陰交。

西厓久患耳病詩以訊之

藥鑪烟氣散清晨，薄病風流又過春。街鼓不傳眠較穩，

敬業堂詩集卷十

十一

砌花貪看眼長新，對床尚憶聞雞伴。一震翻憐失箸人，好與繙書報方法。滿壺社酒乞比隣。

喜雨對榻有懷西厓聯句二十六韻

觸熱來京師，驕陽值乾暵。禹平僑居隔隘巷，欲出愁喘汗。

夏重濡髮頭濯水燎，毛背炙炭。禹平爍爍火帝輪赫赫炎官

繖，夏重鳥焚顛木巢蠅嘍削爪案。禹平居人苦燁灼行者防

糜爛。夏重側聆清禁中一月微宵旰。禹平魯史陳舞雩周詩

誦雲漢。夏重不傳避暑銘每屋當食嘆。禹平吏無酷可烹禮

有典乃按。夏重桐魚瘞壇圻金雞釋狴狂。禹平天心倏已移

雲氣滃不散。夏重電雷震虢虢溝水鳴灌灌。禹平急來扣扉

聲拉雜，屋壁捍。夏重捲書君劇喜踏屐我奚憚。禹平榴葢紅

洗粧梧蔭翠流榦夏重潤拚沾幔濕密愛拓窗看平禹攬鏡

魚登拌戶小杯舉觥夏重鬱襟快哉披短憤頽然岸平禹雖

當醉眼纈未許鼻息鼾夏重憶昔斜街西吾友客僧館平禹

聯吟秋歷九聽雨夜過半夏重往事忽到心暗嗟流景換

平禹虛名三子曾失意二人但夏重預憂燭見跋龔聽響達

旦平禹凌晨過東隣老樹恣所玩夏重

古銅筆洗聯句狀如荷葉中有銀魚長半寸許三足皆作螺形

土花蝕已徧平禹雅製近宣和夏重片葉翠遮硯平禹一珠圓

滴荷夏重露鱗沈白小平禹烟殼帶青螺夏重欲遣詩塵滌平禹

濡毫墨幾多夏重

集槐樹斜街苦熱聯句此首已刻曝書亭集今附見

敬業堂詩集卷十

七

苦熱今年甚幽州亦蘊蒸朱茂久無甘雨降惟見火雲

升姜宸際夜焦烟合經天杲日恒徐善高林枯白帶淺泚

露丹稜王原最怕衝灰洞何須堰戾陵黃虞稷河流金口膩

山翠畫眉層朱爨尊黑蛺潛難見商羊舞莫憑萬斯同新畬

荒黍稷遺種慮蝨螞張速零隊分行綴祠官典故徵譚璋力

難驅早魃咒乃試番僧慎行童女雙髻旂竿五色繒李澄

中新粧朱箔捲雜戲綠衣能魏坤虹霓群情望塵埃萬目

瞪龔麟疾雷無影響長轂但輸較釋淨憲銷夏愁無策聯

吟喜得朋湯右曾盡諧微徑入不待小僮鷹朱嚴席帽人人

脫亭欄處處恁鄭觀來劇談多野趣苛禮必深懲錢光夔旅

跡頻年共鄉心觸緒增茂小航思劃槳精舍憶擔簦宸

白剝烏頭芡青牽紫角菱原夕風嘶麥豔橫港沒魚鷹

竹樹濃於畫篋籬密似罾曩千家花滿屋六月稻交脰

右自失江村樂翻憐毒暑仍斯黃沙隨扇集白汗比漿

凝遠易漬牀牀簾空支院院棚擔稀珠市果價倍玉河

冰崩翔戶撒垂簾額瓶添汲井繩儼慵尋溫水浴只想

冷硯登瑄三葛衣猶重雙絲履不勝撥書嫌走蠹懸拂

倦驅蠅坤祇覺掌拖便誰甘襪稱覲到門防客刺無

地曲吾肱曩亟買泉澆圃同貪草藉芳明酒拚河朔飲

茶愛武夷秤宸返照斜初斂微涼暮可乘原分曹爭射

覆四座百觚騰慎行

敬業堂詩集卷十

醞舫消夏分賦涼蓬

七

平鋪一面蓆高出四邊墻雨似停舫聽風宜露頂涼片

陰停卓午返景入斜陽轉憶臨溪宅松毛透屋香

次韻奉送大司空翁公請假歸虞山二首

特賜冬卿上冢還履聲整許撤朝班官情自領升沈外

物望同歸進退間圖畫重開供帳路雲山新署草堂顏

依稀文靖城南墅只隔蒼烟水一灣

布衣重上退賓堂多愧南豐一辦香場屋感公憐被放

橋門回首憶分行如蓬旅跡仍難定似海恩門豈易量

不覺臨岐成雪涕車輪那得比廻腸公為國子祭酒余受知最深

初秋同胡修予王令貽王文子林碧山程天石

家荊州小飲雙林寺荷亭上次韻

共喜聯鞍去精藍古堠邊  
斷橋花底鷺高岸柳陰蟬  
野意迎涼爽秋容得雨鮮  
昔遊吾自記塵土夢三年

丁卯春與

時菴先生小憇於此

題許壺山小影

共識丹徒一布衣  
曾將健筆動宸扉  
如今却伴梳翎鶴  
縱有烟霄已倦飛

牽牛花十二韻同竹垞兄賦

添得新秋意幽芳豔一庭開  
長先七夕名許拆雙星  
宿露涼初洗朝陽夢乍醒  
籬頭從點綴竹尾借娉婷  
徑淺疑妨帽窗疎愛拂欄  
蜘蛛簷角網蟋蟀草邊亭  
垂處梢梢碧分來朶朶青  
有人簪綠鬢無分插花餅  
輕較春天蝶微黏雨夜螢  
宵形嫌鼓子妬鳥啄金鈴  
榮落誰相惜涼暄爾慣經  
寫生煩妙手渲染上圍屏

敬業堂詩集卷十

十四

贈如臯許嘿公

許工篆刻

曾摹一卷岐陽碣只作西周舊  
本看好古未妨生末世成名終不藉微官

許曾宦閩中

眼中識字如君少老去知音

較昔難料合中原無手敵  
莫教旗鼓更登壇

嘿公向受知於合肥

龔尚書其贈詩有寄語揚州程穆情中原旗鼓正相當之句

雨中同竹垞兄過恒齋飲次竹垞韻

傲居長喜接京坊但約相過便對床  
數點忽飄花外雨十分初透竹間涼  
詩貪老境甘如蔗醉覺香醪味似糖

還有持螯餘興在隔厨燈火聽鳴薑

西郊雜咏與竹垞水村分賦五首

三虎橋

狠石怒趁人風聲挾秋雨馬驚左右顧橋滑路難取誰  
呼北平守三發三飲羽我欲從之游入山射真虎

昌運宮

老鸛巢古枝虛廊交冷翠淒涼前代塚傳是張常侍煌  
煌元老文苔蝕仆碑字賜域滿西山斯人或無愧

松林院

珍果充尚方嚴鑄守花木今年上供缺夏旱秋不熟僧  
庖拾枯枿客飯烹野菽莫怪鳥來稀疎林葉俱禿

敬業堂詩集卷十

五

摩訶菴

修竹如高人閒花比靜女移根入朝市束縛吾憐汝人  
生屬有役物性便得所及此憇茆菴秋光媚孤旅

元福宮

出屋聞遠籟入門走長松粘天百頃濤下有掉尾龍長  
養紀何朝云自明武宗迴鞭促斜照紫翠凝西峯

次韻送卓履齋

等輩風流滿座傾不因入洛占時名半年旅跡萍漂斷  
八月邊塵雨洗清家遠窮交愁易別路難歸計羨先成  
長橋兩岸蘆花雪畫裏扁舟一纜橫

次韻送周林於歸梅里二首

結客曾經汗漫遊，雁風吹落鬢絲秋。  
誰憐豪氣除難盡，脫却征衫去叱牛。

燕昭臺側酒壚傍，別後親知半在亡。  
傷青士分虎也重向溪南揮老淚，十年孤客始還鄉。

### 次韻送高念祖遊晉中

一天霜氣上征袍，獨雁離襟愛羽毛。  
惆悵黃花燕市酒，送君時節近登高。

### 天寧寺觀塔燈聯句

同後一首亦刻曝書亭集

秋風鳴枯槐，斜日薄西崦。  
徐善並馬入寺門，客衣骨齧。  
朱茂于焉展嘉覲，一咲輟鉛槧。  
高佑巡檐禮紺塔，卓立大且儼。  
朱彞尊陳丹和暗粉，古色剩渲染。  
魏坤蹟仍開皇舊

### 敬業堂詩集卷十

十六

函并舍利崦，慎行一十二重檐。  
檐風鐸颯，善蟠楹蛟躩。

踞負礧鬼瘠，茂飛梯絕階級。  
白石奪琬琰，佑鎔金范。

爲燈設砌架，成彞尊房歷歷覆蟹罈。  
坤怖鴿棲難安，一夫敢走險。  
慎行綆岳挽膏油，豆火發星燄。  
善初

如螢尾炫忽若獸，目睽茂或如爐炊炭。  
或如竈炊枯，佑須臾繞扶欄，散作四百點。  
彞尊虛堂鑿纖毫，老樹失掩冉。

坤置身圓鏡中，交光不可掩。  
慎行氛烟看直上，樓閣時一

閃。  
善鼓鐘聲遠聞來者，紛攘禪茂提攜及童嬰。  
羅拜雜

寺闌，佑營營各有挾邀福，得毋詔彞尊禮義苟不愆。  
寸心

又何憊，坤玩物隨所遭，誰能束崖檢。  
慎行宵分梵放歌漏

轉，人散漸善茗椀坐屢遷，松關啟還店。  
茂衰年疲倚徙

禪榻擁衾篔鈿弦月墮側輪濕雲俄淅淅尊驟驚山雨  
來昏夢豁嚙魔坤晨興矚林端餘燭尚未斂眞行

九日雨阻天寧寺聯句

仁王塔祇樹林客九日期登臨朱曼尊木蕭蕭雨霏霏泥

滑滑愁人心慎行馬毛縮魚潦深行躑躅坐沈吟魏日月

逝年光侵去者昔來者今徐善別苦易思難任樽有酒且

酌斟高佑鈿脫我帽披我襟折黃花試共簪朱茂明

送次谷兄南歸次汪東川祭酒韻

雙來那得久淹留八十高堂已白頭布被一床空戀別  
人門半刺肯輕投黃沙草接新霜路紅葉燈移古渡舟  
笑得過淮天氣好初冬風日尚如秋

敬業堂詩集卷十

一七

送江補齋侍御巡鹺長蘆次禹平韻

析津脈絡聯神京白河南注駛且清天開地坼三百里  
樓櫓突起高崢嶸晴烟畫騰氣靄靄刻漏夜下聲丁丁  
雄關屹立當海口鯨呿鰲擲誰敢撓雲帆舊轉吳會粟  
鎖鑰西北收專城洪波浩漾百萬頃坐令魚鮪無淄驚  
設官豈徒重筦竿畿輔要借桓驄行我聞利藪俗爭騫  
豪猾勢得捺重筦大賢當道積弊去不貴驚猛惟廉平  
燕雲趙魏達齊魯管內九月催王程蘆花雪輕點別酒  
柿葉霜染飄前旌此時送君乘傳出四境藹若春風生  
鹽梅往往調鼎鴈竚待妙手歸和羹野人留眼望天際  
法曜正倚台垣明

王孟穀重至都門

我亦騎驢客粗知行路難六年三見汝辛苦渡桑乾

敬業堂詩集卷十

敬業堂詩集卷十

十六

敬業堂詩集卷十

王孟穀重至都門

敬業堂詩集卷十一

海寧 查慎行 悔餘

竿木集

起巳巳十月  
盡庚午二月

飲酒得罪古亦有之好事生風旁加拍斥其擊而去之者意雖不在蘇子美而子美亦不免焉禪家有云竿木隨身逢場作戲聊用自解云爾非以解客嘲也

送趙秋谷宮坊罷官歸益都四首

時秋谷與余同被吏議

竿木逢場一咲成酒徒作計太憨生荆高市上重相見  
拍手休呼舊姓名

劉魯封童指摘生滄浪大可濯塵纓肯言預會皆名士

敬業堂詩集卷十一

誰似君家老叔平

君別蓬山作謫星我從霧谷擬潛形風波人海知多少  
聚散何關兩葉萍

南北分飛悵各天輸他先我著歸鞭欲逃世網無多語  
莫遣詩名萬口傳

秋谷贈余詩有與君南北馬  
牛風一咲同逃世網中之句

初冬拜朱大司空墓感賦

城南舊是陪遊地一片蒼涼野哭中宿草墓門黃葉雨  
亂鴉祠宇白楊風餘生削跡誰知已往事傷心我負公  
肯信九原還有路人間何處不途窮

竹垞招遊白雲觀同錢鷗舫王令貽魏水村嚴  
寶仍吳震一分韻二首

沙晴冬候暖古觀晚蒼涼一徑踏殘葉半庭餘夕陽泥  
封丹竈合石護醮壇方華表依稀似蓬萊是故鄉

得方字

燕丘吾舊到遂伴記新春羽帳千年蛻虛堂四壁塵名  
山遊已晚遺跡訪初真欲補儒仙傳欣逢好事人

得春字

重宿傳經書屋與愷功話舊次唐實君留別四

首韻

再來欣接席昨去惜分襟兩度平安字三年聚散心夢  
中追舊事愁裏廢孤吟豈意麻茶眼重窺翰墨林

絕域身曾到名駒小最能膽教更事壯詩喜逐年增畏  
客門長閉看山閣偶登故知關性分愛近讀書燈

欸欸留吾住依依見汝情硯冰融墨淡爐火撥灰明淺

敬業堂詩集卷十一

二

夜談難足流年感易成雞頭池上月白髮照初生

易作匆匆別華堂費夢思暗鐘隨杵斷殘燭得花遲穎  
待囊錐脫斑從管豹窺出藍真屬望慙媿我稱師

恒齋邀嘗桑落酒同竹垞賦二首

哆口長餅壓手杯隔簾鏘器爲親開不愁更欠尋常債  
每過朱家醉始回

石湖詩句也風流橘露松舫品最優五斗蒲桃真濁味  
肯將石室換涼州

同竹垞水村步入一莖菴登妙光閣

偶然聯客袂隨意叩禪關門徑忽新改居僧出未還一  
尖城上塔幾點樹頭山此處宜看雪危梯約再攀

善果寺

高林鳴枯風院淨如潑水時有杖藜僧下堦拾槐子

歸義寺

中有遠初石幢

地作隣人業苔侵破廟堦兩三碑背字猶記會同年

冬菊聯句二十韻

猶剩籬邊朶幽香伴小齋魏坤祇緣開較晚真與俗難諧

行憶植當松逕分苗傍秫稽坤一行頭並摘幾稜手親

排慎未治鼃蕪颯先防虎似豺坤栽培從老圃束縛向

斜街慎擔喜連泥買僮嗔甬雨差坤素心邀我賞倦眼

為君揩慎白酒重陽過清吟十月偕坤瘦窗圍竹几涼

路別椶鞵慎行獵獵風捎幔紛紛月浸堦坤稍應愁雪妬

敬業堂詩集卷十一

三

幸不被塵埋慎行采可斲新釀簪宜綴冷釵坤葉經霜後

欽花比節前佳慎行小塔燈雙影低屏水一涯坤落隨騷

客賦淡入雅人懷慎行寒色方凝榦新芽已發芽坤過時

拋瓦缶留種記牙牌慎行按譜名空羨餐英願尚乖坤明

年須放早吾欲返荆柴慎行

呂灌園屬題小影二首

不知何處響淒淒峭削藤蘿側面峯喚起清風荅清嘯

濤聲飛上最高松

曾向山陰作寓公一筇歸借白頭翁跣趺消得幾多地

何必千岩万壑中

冬夜朱介垣給諫宅觀倒刺和竹垞兄絕句四

首

燭枝枝細吐烟曲屏影裏夜如年索郎美酒者婆舞  
醉倒蘇家藥玉船時介垣新得此杯

雙燕身輕拂地迴歌頭舞遍一回回問渠從小誰傳得  
似按西涼坐部來

鐵撥檀槽急作聲六么鞞上一牀箏忽驚雷雨簾前起  
殘雪開窗月正晴

薄薄粧梳楚楚伶酒邊孤客對飄零紅筵大有開元曲  
別樣傷心已怕聽

大司馬合肥李公見示遊盤山十律兼屬繼和  
敬題二章於後

敬業堂詩集卷十一

四

泉石曾關十載心勝遊往往礙朝簪也知去郭無多遠  
所喜探幽不在深紫葢自開蒼蘚路紅紗長護碧山吟  
滿空何限松篁韻盡入鸞歌鳳舞音

不教騶唱駭山僧竹杖籃輿取次登老樹傲霜還帶葉  
細泉迎暖未成冰盤來磴道雲千疊遠處峯巒雪幾層  
已失從遊吾自悔得披高咏興偏增

陸端轂索贈

五色邵平瓜一口韓康價古來高世士亦在長安下軟  
塵堆裏記相逢歸夢時時寄短篷筆床茶竈何年具準  
擬尋君笠澤東

讀張趾肇徐安序冬日感懷唱和詩次原韻二

首

窗隙飛塵日易斜，忽披新句感尤加。路難不爲登樓賦，才盡非關入夢花。倚竹何心矜翠袖，聽歌有泪滴紅牙。斷蓬生事無聊極，不獨君悲我亦嗟。

小榻吟成膝自搖，一燈照影共淪飄。雪侵短髮雙雙換，寒入深杯九九消。得氣益梅偏早綻，向陽籬菊未全凋。相期並了殘年課，添箇詩筒遣寂寥。

奉送王峯尚書徐公南歸五十韻

大儒出處秉道貴，得正行藏既自斷。進退詎關命，我公如星雲。一出朝野慶，臯夔奮事功。燕許嫺詔令，放之彌六合。鴻業豈易竟，立朝二十年。風節嚴且勁，高文藉

敬業堂詩集卷十一

五

討論大禮資，援証以茲契。聖情題扁宇，輝映交乎由。一

德心愛非貌，敬國家有元氣。培養在交做，儲材本報國。夾袋記名姓，必若入收羅。先須覈言行，春秋兩校士。米墜中外瑩，大匠洪陶鈞。劍光出磨錐，別裁務去僞。崇雅自刪鄭，豈不歎才難。得人際斯盛，煌煌起袞手。草野議敢橫，中流砥狂瀾。公論翕然定，官雖謝執法。講每宜崇政，休沐有常期。歲時奉朝請，從容大臣體。恬退君子性，朝來忽拜疏。辭切回天聽，帝曰卿往哉。疇爲執文柄，

答云臣力憊，感激淚交迸。告歸端俶裝，首路春維孟。

詔以書局隨還家，就叅訂牛腰。一百車多與二酉競，方

輿廣樂史續鑑，改陳桎高館。闢翹材名流，撤徵聘

謂姜西溟

黃俞節諸君 遇榮一時絕典曠千古負樂天名位似司馬聲

華僅鄴侯未足論矧可擬張邛平生釣游處父老喜相

迎太湖洵幽絕天水俱綠淨七十二烟鬢一一落明鏡

公將開書局於洞庭山 八窗陳鼎彝四壁開畫燈清音絲間竹逸

響鐘苔磬鶯花晨赴社魚稻晚報榮暑衫便芎葛臘釀

雜賢聖著書閒有餘即事樂難罄小子學無成風塵困

趨趨影慙舞袖短顏讓時粧靚饑朔行自嘲寒郊語尤

硬迂疎頗知量鬪捷宵爭徑振翅無雲霄觸藩有機穽

蹉跎曩悔失鹵莽行恐更世自傾波濤吾方溷泥濘重

來仰翦拂鬱抱實柄柄公在士氣伸公歸士氣病從公

願于邁百感發孤咏時相約同出都

敬業堂詩集卷十一

送許朔方之雲中

六

昔我未識子先與錢生木友亟言平生驩三許不去口

賜谷詩絕倫南交畫無偶朔方年最少蘊蓄靡不有次

第獲論交前言果匪苟燕臺昨于役小許實先後甲子夏與

壬友朔方同入都 茫茫人海中相左十八九移時一把臂欸曲

心互剖吁嗟輕薄兒覆雨數某某勤拳托末契所得良

已厚方知情親疎不係交暨久風塵有岐路南北莽分

手錢生走從軍余去扶病叟重來會合地驚顧各衰颯

慷慨倚和歌淋漓藉杯酒子仍青兩鬢末座獨昂首也

復可憐生雙顴削而黥頰更雙耳熱擊筑間鼓缶疾風

掃河梁挽斷塞門柳前歡今偶續知有後期否故人諸

曹郎出作雲中守子行赴贊畫側翊義奚取行踪等飛  
蓬離緒如剪韭長亭七十五山勢西北走并州非故鄉  
却立望南斗

題許霜岩畫扇

風前撩亂萬梢柳柳外天斜一扇蓬箇是儂家舊詩景  
江湖回首畫圖中

鳴鶴亭詩爲關中張鳳舉賦四首

不織筠籠但築亭紅欄日日看梳翎人間只有張公子  
合向天河伴翼星

隔窗長聽讀書聲識字多來品倍清金城衛氏鶴日飼以粥教之三年能  
識應咲六郎才思劣羽衣刻木坐吹笙

敬業堂詩集卷十一

七

飲啄依人不自持都緣骨瘦便稱奇雲霄儘有孤飛處  
偏愛亭亭獨立時

丈八坡陀尺五天侯門如故客如仙憐他一片毳氍毹  
曾上羊公舊舞筵鳳舉爲靖逆侯少子

題沈客子寒郊調馬圖二首以下庚午春初作

潑墨揮毫事事能帶腰吟瘦沈吳興如何却向漁陽道  
粘帽茸裘學按鷹

小益戎裝悔浪遊不成投筆取封侯殘年射虎非吾分  
白石山南去飯牛

西城別墅十三咏新城王清遠屬賦

雲氣朝出岩亭陰滄然接劃分一片影側展屏風疊浦

口有漁榔落帆如斷葉

石帆亭

戢戢犀角雛斑斑鹿皮籜春來頻改路客過行長錯欲  
斬又躊躕萬竿殊不惡

徑竹

秦封五大夫兩生獨不肯托根此得地雙榦鬪清迥老  
鶴暮歸巢殘陽在高頂

雙松書場

虎目逃斧斤輪囷誰惜汝薰蕕自然別靈蠢性所予材  
與不材間揣兮知自處

大椿軒

九子得其三五老失其二一峯復一峯峰峯不相似雖  
非木假山可少老蘇記

三峯

蝴蝶滿南園風輕草初剪林霏入烟霧古洞春猶淺好  
去向龍岩築菴名碧蘚

小善卷洞

敬業堂詩集卷十一

八

迴溪轉灣濃滴翠如滴乳岼容蕪水色遮斷橋西浦一  
卷落床頭春深夜來雨

綠蘿書屋

不離文字禪半偈亦已多何異百千萬烝沙散恒河蓮  
華清漏底晏坐夫云何

半偈閣

蒼濤翻半空清響一聲作頑仙不耐聽下有側頂鶴夜  
深忽飛去簌簌衆星落

嘯臺

鵲山出林郭高處割一拳坐令諸兒孫羅列丈人前對  
之能下拜米顛豈非仙

石丈

草外瑟瑟波波平兩三頃紅鱗尺半魚倒嚼桃花影西  
堂夢初覺佳句時一警

春草池

仙犬吠靈根鴉耨往堪劬曾隨康樂屐竟入麻源谷一

笑却歸來披圖作橫幅

小華子剛

耕犂起同晨牧笛行向晚小庭閒倚杖正值唱歌返杳

杳漸無聲去村知近遠

樵唱軒

將出都門感懷述事上澤州冢宰陳公一百韻

當代中天治千秋一德期大賢多間出鴻業並昭垂夫子金閨彥名家玉樹枝傳天飛鸞鸞拔水出蛟螭理學源流泝文章談咲麾魏科仍早掇雅望迥標持館閣迴翔地風雲獻納資居高懸藻鑑集益藉論思博物時無亞多聞議必諮六曹兼掌故九列讓委蛇共指文星煥寧關好爵縻系綱維張有自津溪挹無涯溯厥流風遠恭惟樹德滋晉陽丁未季獲澤徧瘡痍團結因鄉社招搖

敬業堂詩集卷十一

九

視義旗千村同保障一姓獨登陴布置隨方畧分明受撫綏險憑雙堠設烟合万家炊寇至呼咸集歸窮戒勿追宗人全鐵軸隣叟穩耕犂歲事重憂旱并民又阻飢九重加軫念百族尚庭羸焚券情相卹嗟來事可嗤甫田憐士女世祿散京坻積貯崇朝盡陰功里老知當官嗟覆餗扣戶仰由願及見家餘慶方知善可爲潤沾千里遠力賑一方疲地近瞻恒嶽川長入晉祠午園留獨樂甲第拓前規好古兼金石搜竒及鼎彝異香黎峒結秘色汝州磁畫幃多裝軸書囊或借篋筆馳中壘陣墨洗右軍池弟子河汾盛宮牆魯國推名爭歸夾袋坐愛傍紗帷手引烟霞上情均雨露施賢良承漢策雅頌叶

周詩至化行如此斯文儼在茲升庸 朝有道羅致野  
靡遺竊喜逢時泰翻成歎數奇異材胥奮發蹇足獨顛  
危詎敢誇華胄聊因述鄙私婺源分未派海表發南支  
大理馳封啓中丞畫戟移澤流京兆厚禍發黨人奇世  
廟當中葉分宜位鼎司彈章辭激烈伏闕涕漣洏嚴譴  
孤蹤逮流官絕域羈左垣言幸中東市魄終褫門子承  
堂構文孫接履綦謝宗經鼎盛裴眷有中衰五葉傳清  
白全家際亂離兵戈屯井閤榛棘變堂堂基春誤尋巢燕  
秋荒插菊籬先人旋遯跡壯志局茅茨比杜經天寶如  
陶閱義熙流光傷易邁風木感先萎小子真無似孤懷  
忝自惟墁篔簹偕伯仲弓冶學裘箕蚤被儒冠誤長遭俗

敬業堂詩集卷十一

十一

目欺升沈渾莫定矩矱恐長隳蕭瑟囚山計荒唐捷戶  
貨不成終泯沒那得避嶮崎會有從軍役寧甘伏櫪悲  
黔山峯轟轟轟楚水浪差差鉦鼓淵闐發簫笳斷續吹征  
夫攀塞柳野客咏江離戎事從人問行間借馬騎瘴林  
棲佛鷲箒谷竄狐狸耳聽鶻啼血心驚觀築屍晝紅烽  
乍舉月黑路偏欹短褐星埃入遐陬露布馳圖披新聚  
米局按着殘棋橫草名空挂封侯望本疑飄然辭幕府  
逃矣走京師古有矜懷刺時方薄處錐姓名埋失路出  
處謝端著徒步親頑僕低顏向細兒幾逢收駿骨深畏  
妬蛾眉久抱違時性兼無媚俗姿泥深蹄蹙蹙風逆羽  
襪襪逐伴聽詞曲無聊托酒卮波瀾人海濶竿木戲場

隨照壁寧防蠍吹毛竟得疵任安書未荅朱穆論何疑  
夢或驚沙蜮歸將友澤麋棄繻知昨失鑄鐵悔今遲不  
謂逢韓愈猶煩說項斯感公寬禮數容我揖堦墀未有  
阿房賦徒懷北郭絲迂疎疑寸管許與到單詞峭置干  
尋壁弘開八達達春陽蒙煦燠霽月曙光儀欸欸憐才  
意依依戀別時爨薪餘樸橄鍛竈仗鑪錘黻黼雲敷土  
微茫海測蠡義高攀莫及身賤語終卑此去鞭重把何  
年閣再窺鷗波殊浩蕩泛泛問何之

送徐道勇宰順德

萬里驅車路韓蘇蹟尚留往時愁謫宦今日羨吟游邊  
海夏無瘴看山朝有樓感君懸榻意謂我是詩流

時相約同

敬業堂詩集卷十一

十一

行余迫歸計不及赴

酬別許暘谷

男兒有才人見之如眉在額指在掌蘭荅翡翠大海鯨  
相去中間幾霄壤天資必從學力到拱把桐椅視培養  
方今儕輩盛稱詩萬口雷同和浮響或模漢魏或唐宋  
分道揚鑣胡不廣何曾入室溯流源未免窺樊借依傍  
我持此論嗤者衆同志吳中乃得兩惠生

元龍

格律最謹

嚴錢子

友

才情殊個儻不知此外復誰敵晉楚居然互

雄長得君忽訝鼎足成一戰三分定擾攘君才自是詩  
中虎盡遣風雲歸俛仰蜀江到解一萬里岱岳登峰八  
千丈有時分派蓄烟波間亦浮嵐滃林莽初看澹沲與

神會倏轉玲瓏非意想書評取瘦嘲杜陵畫品近肥矣  
周昉穠纖斟酌雅粧宜骨月停勻神駿賞愛君此境口  
莫喻俗手安能事樵仿彼非識者勿浪傳若有知音必  
弘獎余雖好吟久成癖所業未充終慙恍邇來屬藁輒  
欲焚偈仄無端撻世網徒將字句供指摘豈有聲華出  
標榜此時披豁喜相從乍挹西山朝氣爽論早引我爲  
同調鳥爪時時發背癢君辭愈降我愈慙文繡飾犧毋  
乃枉皇天老眼不到地半世駈馳絆塵鞅三間草屋百  
索田願本非奢力難強我今忍飢亦決去麋鹿山林合  
長往閉門更讀書十年尚冀成章附吾黨故人倘記臨  
別約鬪鴨欄邊好相訪數折溪橋蕩槳迎歌聲正出蘋

敬業堂詩集卷十一

十一

花港

夜飲槐樹斜街花下謝別竹垞水村

丁子香邊欄檻小桃花底杯槃厨燈隔院人靜社雨添  
衣夜寒殊方賦別最苦失路還家又難懊惱鶯啼時節  
相思多在春殘

時余將南歸

酬別譚護城都諫

知己無如我少交情得似君難獨留一榻相待長把深  
杯對乾宣武門南舊宅虎坊橋畔扶欄可惜手栽紅藥  
花開又讓人看

虎坊橋東舊寓去秋曾種芍藥八本余將歸君又遷居故末云然

題壁集

起庚午二月終六月

玉峯大司寇徐公 予告南歸奉 旨仍領書局

出都時邀姜西溟及余偕行兩人日有唱和旗亭  
堠館汗壁書牆率多口占之作本不足存存之所  
以記行跡也

早出彰儀門魏禹平談震方沈客子追送於十  
里之外馬上留別二首

已着征衫上別鞦道傷何意復停鞭人生聚散原難定  
又算班荆一度緣

杏蕊開時柳葉新眼明差喜出紅塵京華回首無多戀  
萬疊西山幾故人

長新店重別孫愷似王令詒嚴寶仍劉大山家  
荊州兄三首

敬業堂詩集卷十一

三

尚書書局出隨身供帳爭看祖道新轂轝車輕啣尾去  
可憐我亦一歸人

壞壁尋詩又一回殘尊重洗別時杯不因此去添悒悒  
輕跨征鞍自悔來

別期長短路連綿春淺漁陽二月天却檢曆頭同此日  
驚心南北忽三年

前年南還去年北發今東裝出  
都俱二月二十一日亦一奇也

良鄉次西溟韻

乍來灰洞喜無風馬足殘泥曉漸融料石岡邊春雨晚  
廢田無麥草蔥蔥

琉璃河次湯西厓壁間韻

日痕紅曙露初晞草色迎人欲上衣頓覺水鄉風景好

一群野鴨踏波飛

寒食過涿州和西溟

柳色初濃凹字城胡良河上偏清明故園三百長亭外  
貪得花時一月晴

清明新城道中

縣南風颭酒帘多澹澹新烟瑟瑟波一路人家齊上塚  
紙錢飛過白溝河

白溝旅店見亡友鄭樊圃舊題愴然有感同西

溟作

一鞭重度瓦橋關落魄星埃鬢各班忽見故人題壁在  
轉憐爾我是生還

敬業堂詩集卷十一

古

過趙北口晨餐得魚戲和西溟

淼淼波光漾碧虛中央一帶是民居綠楊影裏曾竿起  
彈鋏人歸食有魚

任丘遇禹司賓尚基歸自閩南以蜜漬荔枝分

餉

易粟寧桃已厭嘗愛聽風味說南方費他陸賈千金橐  
與致紅綃十八娘

商家林早發

村店荒荒殺漏遲喚回殘夢眼迷離曉星一箇明如月  
及取朝陽未吐時

冉家橋

楊椿夾岸草抽芽一綫枯河萬斛沙記得去年鞭馬渡  
滿渠春漲拍桃花

景州次西溟韻

時畿輔  
若旱

自從騎馬出春明滿眼流移愴客情此日畿南行向盡  
喜逢田婦餉春耕

平原口占戲示西溟二首

碌碌因人事竟成當初原未識先生處囊脫穎渾閒事  
何苦區區自請行  
若將毛遂比夸門知己何人合感恩却咲能詩李長吉  
信陵不繡繡平原

夜雨

敬業堂詩集卷十一

十五

倦枕更闌睡不成白楊葉戰雨來聲油燈欲滅尚未滅  
閃電隔窗時一明

從十里望抵晏城

春塍雨潤少飛沙別取林均一道斜紅袖倚門桃傍井  
又緣迷路得看花

大清橋

風柔自覺輕衫便山近微嫌濕翠多日暮大清橋畔望  
一叢春樹擁齊河

崗山

古驛東來路一灣萬枝翠栢護蒼顏不知斤斧迹何幸  
大似吾鄉近海山

上巳泰安道中和西溟

平山堂畔忽經年，又是荒程上巳天。  
慙愧漿家供野味，樹頭小串摘榆錢。

欲登岱不果戲東周通守燕客

潮白三更開島嶼，烟青九點散齊州。  
輸他監稅周簽判，日日肩輿到上頭。

羊流店

峴首沉碑事渺茫，空傳有淚墮襄陽。  
居人自重羊公里，未必英雄戀故鄉。

新秦城南望蒙山

翠岱孤抽碧玉簪，群山餘勢失嶙峴。  
晴雲忽斷東南角，

敬業堂詩集卷十一

十六

又露東蒙一兩尖

發蒙陰至青馳寺

桑邊棗下嶢崎路，亂石堆堆數驛亭。  
野草不知春意好，燒痕三月未全青。

渡沂水

白沙沒髀水平腰，舟子招人上小船。  
拍似翠華南頓路，舊年此處有浮橋。

三月初九日自郟城看桃李至紅花埠二首

枝枝能白復能紅，光景年時約略同。  
行過曹村貪小住，雙禽對語百花中。

油菜花開十里黃，一村蜂蝶鬧斜陽。  
明知尚隔江淮岸，

風物看看近故鄉

官柳

種柳河干比伐檀黃流今已報安瀾可憐一路青青色  
直到淮南總屬官

大雨早發宿遷

洶洶波聲響濁流疾風吹雨渡潮溝眼前一事差強意  
河北人家麥有秋

晚晴入桃源界和西溟

鳴鳩聲裏發孤城行到桃源落照明一色東風占兩候  
曉程催雨暮催晴

渡河

敬業堂詩集卷十一

十七

沙雨晴來日氣和漲痕連岫落帆多春風吹過桃花信  
啼鳩一聲人渡河

淮安上船

厭聽鈴聲愛入舟只應洗耳向清流瓣香夜謁淮神廟  
夢穩江南第一州

過喬石林侍讀縱棹園

一天風雨禁荼蘼紅藥空欄信尚遲只道淮東春已盡  
鴨桃猶剩兩三枝

喬侍讀席上贈歌者六郎

欲顧曾無一字訛子絃徐引曼聲歌青衫憔悴無如我  
酒綠燈紅奈爾何

高郵舟中

蔣牙荻筍碧於天，涸水瀕湖出葑田。  
鷗鷺較多人較少，斷橋邊有賣魚船。

揚州遇杜蒼畧

龍眠

方邵村侍御

又繼黃岡歿

謂令兄饑鳳先生

江左風流跡已陳

今日聽君談往事，如逢天寶舊宮人。

王羲文闈復申招同西溟泛舟紅橋二首

誰家園子得春多，繭栗梢頭花信過。  
一曲紅欄隨棹轉，綠陰濃處忽笙歌。

十里珠簾廿四橋，百年花月履綦銷。  
多情愛拂遊人面，尚有垂楊萬萬條。

敬業堂詩集卷十一

六

西溟談及竹西舊事戲調之

綠楊書畫記停舩，一夢揚州又十年。  
見說伎樓渾冷落，鬢絲誰惜杜樊川。

阻風瓜洲望金山

狂飈高駕海，疊開雪浪千堆倒。  
捲迴霧氣欲吞吞，不得紺宮浮出小蓬萊。

月下渡揚子江次西溟韻

妙高峰下曉鐘撞，隔岸吳船正發幫。  
風露一天人擁被，檣枝搖夢過春江。

虎丘後山人家

築岸開池別有津，小橋低映碧鱗鱗。  
河豚土後魚花賤

多少山根種水人

閩門卽事

穠花剛被樓遮却又見隣牆出好枝一種風光誰管領  
金闔門外暮春時

吳江

鱸鄉亭畔麥垂芒水落潮田已半黃曲折支流通小港  
家家門外有舩坊

禾中田家

到耳初聞鶻鶻啼平疇小稜趁高低茅針已老桑芽嫩  
時節人家正籜泥

過梅里訪朱西峻

敬業堂詩集卷十一

九

也知陟岵意仍違纔得還家換袂衣爲報而翁吟望久  
白頭京國苦思歸

竹垞先生  
尚留燕

題家保三兄小影

分無擁髻對伶玄赤脚歸仍侍玉川怪得披圖還一咲  
破窗難燭看神仙

題西峻月波吹笛圖二首

苔樣蓑衣綠葢蓬輕篙閒插月明中水禽兩兩背舩去  
獨倚蕢洲一笛風  
一天雲細作魚鱗千頃頗黎瀉濕銀解聽鶴南飛曲好  
不知誰是倚樓人

柘湖感舊和徐淮江

滿湖輕浪綠差差別樣風光兩度期楊柳半帆春載酒  
薔薇一硯雨催詩未知此後花誰主可惜重來鬢已絲  
早是驚心八年事夢闌燈燠不多時

齊門夜泊

扁舟蕩漾具區東使盡西南一日風到岸帆檣烟幕幕  
隔河簾閣雨濛濛忽來人語蛙聲外亂颭燈光水氣中  
也識去家今較近酒闌依舊感飄蓬

吳門喜遇田間先生

髮光如葆氣如虹強人間八十翁最喜塵埃經歲別  
還看筋力舊時同文章有品傳方遠風雨藏山業未終  
藏山集先生未刻詩文也指與一星人盡識少微今日客吳中

敬業堂詩集卷十一

三

崑山劉改之先生墓和顧伊人

哀壑無人叫杜鵑馬鞍山麓古墳邊東齋路沒荒榛雨  
東齋先生祠堂也今廢北郭人犁斷碣烟湖海尚疑豪氣在姓名  
翻藉布衣傳冬青種後諸陵廢南渡君臣更可憐

題沈石田秋江待渡畫卷

晶晶波明鱉舍苔苔路轉漁灣落葉聲中問渡浮萍影  
裏看山

題陸漢標墨菜圖

小圃朝來露未晞早菘青脆晚菘肥老饕不要園官送  
旨擬從君攫畫歸

武林寓舍少司馬楊公以鮮荔分餉賦謝

絳囊移得洵仙才珍重瓊漿贈十枚不向紅塵馳驛到  
却從碧海販鮮來色香尚覺熏肌好冰雪真隨咲口開  
只是野人慙過分恍疑身自雪峯回范石湖集四明海  
州自福唐來順風  
三數日至得荔子色香都未減大勝戎涪間所產  
曾有詩云鄞船荔子如新攜行脚何須更雪峯

### 四殤詩

家貧望多男如農力苗畝將期秀而實焉得辭勤劬吾  
家兄弟間盛事傳鄉閭仲氏艱舉子前年獲騶虞季子  
善生兒爛熳引衆雛我兒稍長成次亦舞勺踰豈不顧  
恩誼未免督責俱嬌穉尚無知愛憐併屬渠阿巢甫七  
齡性慧早讀書近尤喜作字狼籍塗墨豬騶虞頭角好  
秀眉清兩臚學語無不能舌本驚老儒阿載方斷乳氣

### 敬業堂詩集卷十一

三

壓群兒愚家僮聽指麾步步趨亦趨最小名阿午哇哇  
聲已殊今年暮春杪我歸自燕都次第使來前琳琅玉  
璠璣排成一行雁聚若同隊魚公然嫵姆抱見伯同爺  
呼漸孰意轉親競前爭挽鬚無何捨之出我又東遊吳  
五月到崑山梅雨蒸肌膚去家五十日頗怪一信無濕  
螢照昏花雙眼交模糊群來入我夢繞膝形據蘧明朝  
急買舟宵暝返敝廬到門天已黑哭聲滿庭除驚問哭  
何爲痘殤瘞泉壚一哀吾欲絕老泪沾襟裾自惟世業  
荒寶此七丈夫半月奪其四嗚呼彼奚辜季子僅留一  
芝焚蘭未枯仲氏一併亡竟失掌上珠矧乃客未返時  
德  
都下尹尚在遠隔天北隅便擬報杏殤作書寄江湖又恐傷

汝父臨緘復躊躇中腸集百念沈痛尙整攄家門百年  
來天闕代有諸曾王父早世我祖實少孤兩叔及先君  
長短歲月徂短者纔十九長者五十餘同祖凡八人其  
三已丘墟早衰我更甚所歷多崎嶇浮生知幾年煎迫  
非一途傷哉感存歿天意終何如

苦雨聯句

風噫作欠伸

河圖

天愁散咳唾幕幕繭繭絲微

慎行

拊拊箭

鏃大排欄挂水簾

河圖

震瓦响雲磨隙景列缺馳

慎行

潛蹤

鬱儀過衣纓黝黝醜

河圖

扉履濺泥污蝸嚙引長涎

慎行

踞

怒鼓群和嘖按聚蠅饕

河圖

肌飽蚤餓嘔噦減食單

撲緣廢書課帖席惡膠粘

河圖

歷階防跌蹉遙岑罨如遁

敬業堂詩集卷十一

三

慎行高浪騰誰簸

河圖

方當戒舟杭

河圖

矧迺疲鞍馱溝眵濘齊

腰

慎行

田塍淖沒髀落衣妥兩肩

河圖

烟殼背一箇栖畝占

來牟

慎行

分秧滯秔稔青葱卓針立

河圖

黃萎垂芒臥造物

有暴殄

慎行

農功豈媮媮乾土盡翻沈

河圖

天難補破餘

飛遠乍散

慎行

晚色晴微作暑濕旋復蒸

河圖

壯陰那肯挫

走章牋碧翁

慎行

苦雨毋受賀

河圖

敬業堂詩集卷十二

海寧 查慎行 悔餘

橘社集

起庚午秋  
終十二月

橘社在洞庭東山之麓劉氏取以名園秋冬間假館於此與書局諸同人唱酬不少膠城張漢瞻爲鏤刻于吳中者非足本也

將赴洞庭書局雨中與徐淮江別二首

一領西風季子裘亂砧聲裏又殘秋人間尚有君憐我每過南湖作少留

小港平橋宛轉通船頭一片採菱風孤燈十載江湖雨腸斷瀟瀟此夜中

敬業堂詩集卷十二

曉發胥口

半浮半沒樹頭樹乍合乍離山外山借取日光磨一鏡吳孃船上看烟鬟

渡太湖晚至東山

秋水如膏滑上船峭帆衝破五湖烟豈知地少雲多處別有橙黃橘綠天枕簟欲清他夜夢杖藜行結好山緣詩人愛入雞豚社

橫烟裊處雞豚社范  
石湖遊東山詩中句

只欠躬耕十畝

田  
山居詩次大司寇徐公原韻三首

得從林屋賦閒居勝駕還朝四望車萬頃波濤憑檻外一天風雨落帆初龍威寂莫重揆字笠澤叢殘舊著書

便與伊川同擊壤何妨問答到樵漁

公歸海內重儒宗不數瑯琊邴曼容霜晚黃分湖岸稻  
烟朝翠掃寺門松晴來片片雲盤鶴雨過條條澗飲龍  
見說莫釐峰絕頂時陪五老握青筇

落托生涯最善愁鬢來我亦欲忘憂淋瀝命酒長連夕  
次第看花已過秋四壁書多仍萬卷五湖人少但扁舟  
西山勝概差能說興到還期爛熳遊

張漢瞻有喜余至山中之什次原韵奉荅

卣尾船開古渡頭櫂聲導我向中流似曾有約來同日  
不比無聊賦獨遊坐擁畫屏長對榻時同寓  
敝雲樓行逢精舍  
必登樓因君撥觸聯吟興豈可湖山少唱酬

敬業堂詩集卷十二

二

同徐敬可吳西齋張漢瞻遊翠峰寺和漢瞻韵

陰雲解駁日光穿行盡松門始見天  
樵歌時出斷碑前  
經樓畫靜孤鐘發  
井石痕深萬縷牽  
我欲問龍還乞水與君洗眼對殘編  
寺後有龍井爲  
雪竇禪師故蹟

遠翠閣和漢瞻韵

處士留陳迹閣爲陳眉  
公所建軒窗背嶺開  
練光鋪几席烟氣

濕亭臺林僻僧宜少天晴鶴未迴  
共拚吟遣日無事定

重來

微香閣次敬可韵

蘚徑碧侵遊子屐楓林紅上羽人衣  
一聲清磬落何處  
坐看香烟成翠微

二峯和漢瞻韵

儼與莫釐並所爭惟一拳未應甘出袴且喜得隨肩潮湧東隅日雲垂北面天短筇如健僕扶上最高巔

登莫釐峰二首和漢瞻

青天七十二芙蓉個是芙蓉第一峯吳越有山多作案東南無水不朝宗盪空日氣消飛蜃拔地風聲穩臥龍曾記岳陽樓畔望肯教雲夢芥吾胸

百層風磴盤旋上大似鞞鷹乍解條放眼不知何處盡置身直覺此峯高沈沈海浦黃雲岸點點吳帆白鷺濤未免傷人嗤好事重陽已過興仍豪時重九後四日

做雲樓次顧文景范韵

敬業堂詩集卷十二

三

堵墻高下列丹楓平視茫茫但碧空地迥最宜千尺上景竒獨占一山東湖光夜閃疑飛電磴道秋垂似偃虹多媿元龍豪氣在每聞清嘯發樓中

姜西溟繼赴北闈今仍下第作詩招之

散是飛蓬聚是萍可憐南北總飄零一名於爾何輕重雙眼從人自醉醒沙路離離鴉接翮霜天矯矯雁開翎此愁除有詩能豁取買歸舫下洞庭

題劉氏東樓

連山正缺西南角合有高樓面太湖不許遊人誇目力淡雲濃日兩模糊

出雲篇和西齋

山以東得名羅列非一嶺兒孫丈人行屈首殊未肯今  
晨天忽雲晴色變滄洞蒸蒸氣浮盞冒烟上井衆峯  
處囊中刻露雖出穎一峯獨埋沒有物踞其頂陽烏從  
東升對射却無影林寒不受照萬象淒以冷大風西北  
來作力一何猛奔逃脫鱗甲破碎寧復整正賴湖腹寬  
吐吞在俄頃山人耳目炫夢囈喚初醒重看莫釐高乃  
若襄挈領

送田間先生歸桐城兼寄高丹植明府

滿篋詩文手自編秋風攜上皖江船氣吞湖海豪猶昔  
老閱滄桑骨已仙愁裏豈堪論往事

先生詩集中有與先君子長于酬答

部中容易著高賢馳書早報縱陽令薄少時應致俸

錢

菊

隨分沿溪細作行開時何必定重陽畦丁自愛無他種  
橘柚連山一例黃

山樓曉起

枕上秋風疑有雨覺來已是日高時拓窗簌簌墮黃葉  
蒼鼠驚人竄別枝

晚窗即目

變態多從咫尺看只爭濃淡淺深間斜陽已落月未上  
烟外數峯如遠山

木芙蓉索漢瞻和

鳥柏微丹鴨脚黃爭將病葉領秋光後時猶作好顏色  
咲爾一枝紅拒霜

自題放鴨圖小影後四首

偶煩妙手寫吳綾未必扁舟興便乘一咲披圖還作讖  
此來真箇住松陵

淺水蘆根啜唳聞背蓬  
泂尾雪紛紛湖中別有東西鴨

飛向遙天莫亂群

東鴨西鴨太湖中二山名

奇絕佳名屬兩山新詩多著畫圖間放船不怕人爭路

自占儂家第一灣

東洞庭有查灣西洞庭有查山見震澤編

不用低欄照水紅一竿活計趁樵風江湖老伴憐渠在

踏浪長隨卅角翁

東坡詩我衰寄江湖老伴雜鶩鴨孟郊詩何如卅角翁至死不裹頭

敬業堂詩集卷十二

五

食橘二首

樹樹垂垂顆顆勻山家生計不愁貧若教朱實仍包貢

那得分甘到野人

洞庭貢橘唐宋時有之至明始罷隸佑宗古詩有玉食無緣進上方之句

小園一百二十樹摧壞年來成橘薪每到霜前悲手澤

可堪客裏又嘗新

西園橘栽先人手植也已已冬寒悉皆凍斃故及之

漢瞻自洞庭先歸詩以志別即次見贈舊韻

兼旬索句添窮忙草根啣啣蟲鳴霜尚慙皮陸作唱和

敢與李杜爭光芒君詩盡納三萬派山骨巒巒波洋洋

登壇欲來執牛耳取徑故險迴羊腸林深霧黯蓄幽氣

虹見雨霽開晴光吟從舌端作倔強寫向紙面生低昂

稍嫌工遲似司馬容我咲傲林泉旁憶初弭棹同臥起

明朝聯臂登高岡穿松踏石困俛仰攀躋中道多徊徨  
奇峯忽拔二千尺快劍磨出蓮花銛聳身側足狂叫絕  
生平奇境得未嘗三湘七澤舊雖到却溯洲渚牽孤芳  
黃金荒臺感燕士畫棟高閣悲滕王十年浪走癡已極  
游蹤脫畧失故鄉星埃大咲一回首攝衣纔謁三高堂  
所嗟筋力就疲憊漸遣興趣成頽唐眼前又當搖落候  
薰葭露白秋蒼蒼不知此中有何樂對爾意氣還飛揚  
男兒生涯志未豁善刀合學庖丁藏百觚醉汲隣叟甕  
一枕倦寄高僧房得道在先成佛後茲理反覆天應償  
逢人但拜孟東野去我獨惜張文昌扶筇縹緲有夙約  
與漢瞻約游西山未果 宵計盜底無餘糧風波衝冒總爲此子今

敬業堂詩集卷十二

六

東書我亦將行當長誦蒼黃竹不爾妙曲賡紅桑鬱鬱  
誰能耐離索空樓夜雨思連床年來万事經眼見窮達  
竟分姜與湯不分窮約姜與湯漢瞻舊句也謂西溟西厓 舊遊如夢那可說  
祇有末路堪評量名山業豈異人事慎勿角屈耽詞章

夜坐有懷張漢瞻吳西齋

二子相繼別去

山谷天早寒經檐白日速夜長耿無寐愛此一寸燭展  
卷乍沈吟開軒屢躑躅我唱和者誰凄其感幽獨別時  
秋林下錦纈黃映綠幾日不上樓敗葉忽已禿悲風颭  
然起槭槭響枯木靜覺流光移暗傷懷抱觸小僮強解  
事隣釀貫新熟酒罷還夢君湖心浪如屋

重登莫鰲峰望吳興諸山

吳會諸峰繞作環荆溪百瀆瀉成灣西南遠景新收得  
一髮螺青是弁山

從渡水橋步行至武山小憇吳氏園亭十四韻

過橋纔半里空濶得平原野艇笭簪渡斜陽穉稻村晚

來魚論斗吳志云吳俗以斗論魚二斤半爲一斗僻處犬依樊歲稔松醪

賤秋辭社鼓喧草根驚雉起洞庭志東山有雉而無兔西山有兔而無雉木

未見鴟翻面面帆移岸家家水到門泉清能止渴山淺

易尋源又接攀躋路重窺種植園骨衣橙刺密耀眼橘

頭繁舊葉荷傾沼新泥菊上盆苔滋行每滑石好坐能

溫隔竹傳壺箭隨花倚畫軒何須問生理即此是仙源

遠色蒼然合歸途月有痕

欲往豐圻看楓葉爲雨阻

敬業堂詩集卷十二

七

山中築居如築城往往人家背山住連街接巷比通闌  
雖有林巒無曠趣敞雲樓東鴨脚木亂葉成堆稍通路  
此中合着杜門人一月出遊凡幾度我生夙嗜久撥棄  
祇有吟情剩如故頗聞人說豐圻勝况有丹楓照秋暮  
魚蝦市遠風不鯉橘柚園深香作霧朝來折柬約溪友  
預饒晨炊治遊具住山復作遊山人此事寧防天亦妬  
初看靉靄雲似墨忽聽淋浪雨如注客言万事難逆料  
投足無端動關數豈知勇怯總由人老嬾逡巡坐自誤  
憶當涉世氣鹵莽浪走風塵飽霜露衝泥驢背不自惜  
到此翻令限跬步天工作意不肯晴明日披蓑杖藜去

大雨同胡朏明闢百詩登湖樓

大聲拔湖洪飛上巨鯨背歎空作猛雨倒射怒百倍  
木助一喧掀騰走群怪樓孤若搖動勢已岌岌殆雲頭  
排窗來山影忽在外目存思欲絕境變竒乃最我詩苦  
難工傑句應有待

順風渡湖瞬息抵胥口

匹練掣柁痕虛弓曠帆勢不知小榜迅但見青山逝孤  
塔表靈岳卓針辨湖溼須臾忽到岸轟轟在天際

虎丘晚泊

山淺橋平水一隈幾株紅樹寺門開從看小景如盆盎  
新向湖天放眼回

敬業堂詩集卷十一

拔白詩并序

八

昔蘇子由有白髮近二十年虔州道人王正彥教令  
拔去以真水火養之從其言數月而白髮不出因作  
詩自言拔白之驗余今年忽有白髭二莖攬鏡鑷去  
且三月矣竟不復生喜事有偶合者因用其意作詩  
一章然養生家言僕固不解也

人生足庭樹官骸乃皮膚樹有花與葉人有髮與鬚花  
葉本鬢榮鬚髮那不枯我今過四十貌作山澤臞憂患  
煎心神奔馳瘁形軀早衰理則爾何用長吁嗟雙髮久  
星星見慣習與俱白髭忽新變刺眼生躊躕我欲撻使  
斷苦吟徒自愚我欲媚後生榮之非丈夫不如竟拔去

誰能忍斯須初若蠹蝕葉幾片離根枝又若耘除稂良  
苗漸蘇蘇爾來九十日萌蘖喜絕無養生素乏術寸田  
任榛蕪何當劬黃精白髮併掃除

朱雪鴻移居詩和黎洲先生

蘧廬天地總羈棲瓜跡何煩苦印泥招隱莫分山大小  
卜居難定讓東西一舟最穩裝書重四壁初安待客題  
終勝梁鴻依廡下年年井臼累山妻

雪夜發玉峯數日前沈昭嗣呂山劉顧書宣先  
往洞庭作詩寄之

落木灣頭雪灑燈臥聞漁子尚牽罾寒光溼被夜如月  
野水割船冬始冰風逆不知何日到山高宜及此時登

敬業堂詩集卷十二

九

湖天霽色詩兼書待我舟中酒二升

從橫塘晚至木瀆舟中寒甚

西北風狂野氣昏船窗擁火取微溫殘陽正墮塔邊寺  
薄雪未消湖外村木盡脫時喧鳥雀稻成堆處散雞豚  
可憐歲晚不歸客對景躊躇思故園

雪後曉渡太湖

黃蘆吹斷黑頭風寒日初生血樣紅一片湖山新着色  
萬螺浮白碧壺中

次韻荅趙蒙泉閩中見懷之作

得喪年來已貫經忽披佳句又心驚計疎更事多成悔  
身賤依人自覺輕壺口欲從敲後缺劔鐔猶發扣時鳴

來詩有先生豈  
以不平鳴句短檠牆角差難棄賴是看書眼尚明

王令詒自閩歸出示途中見寄二章次韻奉荅

船頭船尾榕陰綠城北城南荔子紅懊惱此中多賦別

勝遊從古幾人同

右荅南  
浦見寄

自攜驢券出都城草草裝隨短策橫失路歸添遊子淚

加餐書荷遠人情愁隨越島方南向懶趁邊鴻又北征

不用苦教詩激楚漫天風雨正秋聲

右荅晚  
泊見懷

送山瀏自洞庭歸塘西兼寄張介山陸厚容金

子由諸子

無多唱和留君集來往真如相避然一葉驚回三載夢

兩萍漂散五湖天新書著罷從人笑善病同時得婦憐

敬業堂詩集卷十二

十

山瀏開嫂夫入  
抱病已亦致疾好向橋西呼酒伴放狂作達過殘年

雲石菴和書宣韻

一徑入雙塢

菴在大塢小  
塢兩山間

遙從澗道求泉枯行汲遠竹

密得窗幽日氣通停午濤聲捲上頭踞高真得勢矮屋

也如樓

白龍泉和沈昭嗣韻

半嶺通湖眼閒僧護井湄自能清徹底何用砌成池鳥

道尋難到龍湫怒或移不知風雨候可有氣如絲

來鶴樓和韵

樓址為某  
姓葬地

舊日松楸廢何年笙鶴來樵人憐葬域山鬼避香臺峰

勢重重合湖光灩灩開步虛人罕到猜是小蓬萊

題書宣小影

十萬青鸞尾搖竹映得詩人鬢毛綠此中可少三間屋  
竹西三月桃花紅前村後村烟濛濛此中可少一扇篷  
遠勢兼收隔江塔指圖山也與君作詩論畫法借君門前來  
放鴨

書宣以藥酒一罍見餉賦謝

北風夜半收鳴鼉冷光浸日湖不波對門老樹盡僵立  
枝顛斗大鵲作窠山人畏寒臥復起排籤十指無人呵  
雲間陳翁山農好事者乞與方法招詩魔酒材難致藥料  
貴正苦羞澁囊無他感君餉我分一罍何異良劑投沈  
痾甕城新開香繞鼻瀉以碧椀承紅螺甘分沉瀣光琬

敬業堂詩集卷十二

十一

珀村醞不數黃如鵝卵時小酌午未醒挾纈纈乍回陽  
和蓬蓬入腦聲自覺粥粥浮面顏微醺枯腸一洗枵藥  
出老眼亂瞥昏花過宿高尚吟薄薄酒耳熱漫作烏烏  
歌井湄效箴咲揚子春色可賦煩東坡犀首達生坐無  
事表絲遣日知亡何有生得此亦過分况敢嗜好窮搜  
羅偶將一醉累良友亟饋莫必惠已多預愁餅罄唇吻  
燥挹漿那得翻天河

書宣次韻見荅復倒用前韻作一章邀余繼和

時書宣將歸揚州兼以贈別

君才如漢江淮河駕天輪浪豈患多坐批百家目炯炯  
行貯四庫胸羅羅詞源獨騁曹植富餘地不量繼者何

金丸脫手最輕捷快馬直下胭脂坡朝來赫蹏急傳示  
白雪竟壓巴人歌我時解鞍息蹇足臥看縱轡奔騰過  
吟情欲探酒力發小戶一盞熏顏酡平生有作每強  
音調太急絃難和醉來反嫌天地窄局促未免愁籠鵝  
團團陳跡走循磨眩眩纈眼光旋螺爾來檢點稍知悔  
思以勺水前前痾可憐故態時復作形雖近放心靡他  
人生有情會有癖湛詩麴蘖俱成魔何如牢守昔賢戒  
不吟不醉從嘲呵逝將嗇養全晚計野蠶簇繭蜂藏窠  
子今勇決乃過我氣盛不怕江翻波臨行舉杯懺口業  
拔劍倘斫生蛟鼉

以藥酒分餉唐實君吳西齋再疊倒韻索和

敬業堂詩集卷十二

三

鴟夷嗜腹鼠飲河就中滿貯得幾多玻璃万頃吸不盡  
霜風吹淺如碧羅詩人氣蘂言語大鑄琢造化將誰何  
婁東二生我同調得第厭上金鑿坡竭來忘分更莫逆  
銅斗許和寒郊歌湖心淺山住隔巷衝東踏月頻經過  
所慙才分非爾敵頰面未飲長先醅愁腸酒肺互撐拄  
正賴藥味相調和長瓶分餉良有以願奢似挾山陰鵝  
鷓鴣聊足注半杓鸚鵡恰好浮雙螺便從唐侯促佳句  
實君許題放鴨圖詩尚未至更祝吳子蠲微痾時西齋屬微疾號呶當筵誰  
是主剝啄扣戶人非他林麴木客盡逃避氣豪橫欲駭  
群魔此間差無俗物擾尚有亭長能相呵懷哉歲暮盍  
歸去坐看日夕雞棲窠小槽溜溜聽壓蔗饒涎亂湧珠

跳波床頭一壺堪醉倒不知門外傳更鼉

題鄒毅仁書劍圖

學書差足記姓名學劍無過一人敵英雄竟以成敗論  
二語千年供指摘我持此論君勿疑潦倒粗言身所歷  
方當出遊氣盛壯逸足誰堪受羈勒有文曾弔弔戰場  
有力能誇控鳴鏑蹉跎祖述難着鞭爛熳陳琳徒草檄  
收身十載赴場屋往往雄風避雌霓眼看騏驎盡先登  
鴛鴦悲嘶仍皂櫪天涯行旅慣黑瘦世上男兒多白哲  
讀書擊劍兩無成鄧禹笑人終寂寂子才去我固十倍  
射扎穿楊準懸的胡為垂翅亦襜褕予美誰俯仰有鷗  
三年奏牘困方朔五十吟詩嘆高適馬應換妾刀贈人  
龜手如何學緝縹薄田可耕池可釣良耜畧畧竿籊籊  
還君此畫一展然寒盡知年不須曆

梁溪馬碧滄索題桐山草堂

吟徧峰頭又水涯九龍歸夢隔烟霞期君早種十年樹  
待我來看三月華藥錄欲傳須手著琴材若中有人誇  
不然斗大成何用万里丹山客是家

諺云梧桐大如斗主人出外走

題鄒舜五采蓴圖卷子次陳眉公舊韻

敏艤聲動吳歌起沙汀生涯雜魚米此中有蓴誰識之  
埋沒蒼烟白蘋裏湖波太淡無鹽豉葉自青青莖自紫  
脆如雪藕滑春冰異產寧教饜綺紅鱸四腮差可配  
二老朝來動食指弄潮踏浪去何憂占斷湖心一片秋

百年好事留詩畫從此流傳到武丘人間網利多堪慮  
蕤擔年年入城去未應澤畔少清流却與貪夫供七箸  
太湖中產蓴前此未之聞也天啓壬戌秋武山鄒舜  
五與陳眉公始採而食之眉公因繪圖以紀其事

發東山至石湖舟中大雪與蒙泉雪園分韻

忍別東山去依依尚有緣雲沈上方塔雪重石湖船密  
坐可無酒敝裘終勝絲范村留故宅欲訪向誰邊

宋范  
致能

居此地  
名范村

雪夜泊胥門與蒙泉抵足臥

野泊五湖東迷漫雪滿空水明千雉白人靜一燈紅亂  
橈雞聲外輕寒酒力中殘年歸夢潤惆悵兩心同

雪後至閶門換船

敬業堂詩集卷十一

十四

北風吹樓臺白日雪打面閶門十萬戶咫尺不可辨歸  
舟一葉輕欲與嚴寒戰所欣吳中稔酒價冬來賤我裘  
雖云敝一醉煖堪戀尚有無褐人忍饑可霜霰

吳門橋阻凍

白日淡無色北風吹作陰浪增冰力厚橋插凍痕深已  
近故鄉路偏傷獨客心

是日蒙泉  
歸陂城

隣船如比屋兒女盡

吳音

入胥門訪薛孝穆不值留詩示之蕪簡許暘谷

錢玉友

風止澤腹堅篙輕不可鑿短篷壓頭臥竟作三日惡買  
客聚連橋荒灣比村落人群自歡笑而我無處著遂訪

薛逢居衝風入南郭初來殊奮迅欲去轉寂寞窮途所向昧妄冀朋友樂錢許初北歸合并有成約十日前王友賜谷自燕中返虞山期於吳門相晤亦爲冰雪所阻參辰在咫尺矧乃道里各天寒歲徧臘何以慰離索興盡返孤舟獨吟還獨酌

### 打水詞

寒光射川如浴鐵千艘萬艘陷頑石鑿山通道古有之河伯憑堅蟻難穴官船自倚人力強冰椎亂擊船兩傍船頭乍開船尾結去岸却泊河中央篙師咲謂官勿爾世路升沈總如此若將人力與天爭倒捲天河應瀉水阻冰七日始得發舟

### 敬業堂詩集卷十二

十五

行旣來復人力漸可用南船鑿冰來銀浦作流求小僮報奇事水活鱗甲動老夫亦欣然私喜言幸中披衣促解纜一咲破愁夢桡梢啣尾行線路爭一縫虎齒截兩涯倚棹誰敢縱遲遲計尺寸去去逐儕衆到家庶有期春麥尚及種茆檐曝初旭宿火煨老葑旅食饕風霜何如抱飯甕作詩當箴銘悔往聊自諷

### 夜泊平望驛橋下

換柁開吳江收帆宿平望環橋橫吾前天勢墮空曠或言虹下飲比擬猶未當分明半輪月初吐碧波上風定川不波上下巧相况小舟入圓鏡光景互摩盪夜寒人語稀獨此發孤唱

